



**СЛУЖБА  
в субботу первыя седмицы  
святаго Великаго поста**  
**ПОСЛЕДОВАНИЕ УТРЕНИ**

**Священник:** Благословён Бог наш всегда, ныне и присно и во вёки веков.

**Чтец:** Амйнь.

**Святый Бóже, Святый Крéпкий, Святый Безсмертный,**  
помилуй нас. (**Трижды.**)

**Слáва Отцú и Сыíну и Святому Дúху, и ныне и присно и во вёки веков.** Амйнь.

**Пресвятáя Трóице, помилуй нас; Гóсподи, очисти грехи**  
наша; Владыко, прости беззакония наша; Святый, посети  
и исцели нёмоши наша, имене Твоего ради.

**Гóсподи, помилуй. (**Трижды.**)**

**Слáва Отцú и Сыíну и Святому Дúху, и ныне и присно и во вёки веков.** Амйнь.

**Óтче наш, Ѝже еси на небесéх! Да святится имя Твоé, да**  
приидет Цárствие Твоé, да бўдет вóля Твой, яко на небеси  
и на земли. Хлеб наш насыщный даждь нам днесь; и остави  
нам долги наша, якоже и мы оставляем должником нашим;  
и не введи нас во искушение, но избави нас от лукаваго.

**Священник:** Яко Твоé есть Цárство и сила и слáва, От-  
цá и Сына и Святаго Дúха, ныне и присно и во вёки веков.

**Чтец:** Амйнь.

**Гóсподи, помилуй. (12 раз.)**

**Слáва Отцú и Сы́ну и Святóму Дúху, и ныне и прýсно и во вéки векóв. Ами́нь.**

**Приидите, поклонíмся Царéви нашему Бóгу.**

**Приидите, поклонíмся и припадéм Христú, Царéви нашему Бóгу.**

**Приидите, поклонíмся и припадéм Самомú Христú, Царéви и Бóгу нашему.**

### Псалмы 19 и 20.

**Услýшиш тя Госпóдь в день печáли, защítит тя ýмя Бóга Иáковля. Пóслет ти помошь от Святáго и от Сиóна застúпит тя. Помянéт всяку жéрту твою, и всесожжéние твое тúчно бúди. Даст ти Госпóдь по сéрдцу твоему и весь совéт твой испóлнит. Возраðаемся о спасéнии твоем и во ýмя Гóспода Бóга нашего возвеличимся. Испóлнит Госпóдь вся прошéния твоя. Ныне познáх, яко спасé Госпóдь христá Своего, услýшиш его с небесé святáго Своего, в сýлах спасéние десницы Его. Сíи на колесницах, и сíи на конех, мы же во ýмя Гóспода Бóга нашего призовéм. Тíи спýти бýша и падóша, мы же востáхом и испráвихомся. Гóсподи, спасí гарí и услýши ны, вóньже áще день призовéм Тя.**

**Гóсподи, сýлою Твоёю возвеселíтся царь и о спасéнии Твоём возраðается зелó. Желáние сéрдца его дал еси ему, и хотéния устнý его неси лишил его. Яко предварíл еси его благословéнию благостыíным, положíл еси на главé его венéц от кáмене чéстна. Животá просíл есть у Тебé, и дал еси ему долготú дний во век вéка. Вéлия слáва его спасéнием Твойм, слáву и велелéпие возложíши на него. Яко дáси ему благословéние во век вéка, возвеселиши его рáдостию с лицéм Твойм. Яко царь уповáет на Гóспода, и мýлостию Выíшняго не подвíжится. Да обрýщется рукá Твоя всем врагóм Твойм, десница Твоя да обрýщет вся ненавíдящия Тебé. Яко положíши их яко пешь огненную во врéмья лицá Твоего, Госпóдь гнéвом Своим смятéт я, и сиест их огнь. Плод их от земlí погубíши, и сéмя их от сынов человéческих. Яко уклонíша на Тя зláя, помыслиша совéты, и́хже не возмóгут состáвити. Яко положíши я хребéт,**

во избытцах Твойх уготовиши лицé их. Вознесися, Гóсподи, силою Твоёю, воспоём и поём силы Твоя.

**Слáва Отцú и Сы́ну и Святóму Дúху, и ны́не и прýсно и во вéки векóв. Ами́нь.**

**Святýй Бóже, Святýй Крéпкий, Святýй Безсмéртный, помíлуй нас. (Трижды.)**

**Слáва Отцú и Сы́ну и Святóму Дúху, и ны́не и прýсно и во вéки векóв. Ами́нь.**

**Пресвятáя Трóице, помíлуй нас; Гóсподи, очíсти грехí на́ша; Влады́ко, прости́ беззакония на́ша; Святýй, посети́ и исцели́ нéмощи на́ша, имене Твоего́ ráди.**

**Гóсподи, помíлуй. (Трижды.)**

**Слáва Отцú и Сы́ну и Святóму Дúху, и ны́не и прýсно и во вéки векóв. Ами́нь.**

**Отче наш, Ѝже еси на небесé! Да святíтся имя Твоé, да приидет Цárствие Твоé, да бўдет вóля Твойя, яко на небеси и на земли. Хлеб наш насущный даждь нам днесь; и остави нам долги на́ша, якоже и мы оставляем должником на́шим; и не введи нас во искушениe, но избáви нас от лу-кáваго.**

**Священник: Яко Твоé есть Цárство и сíла и слáва, От-цá и Сы́на и Святáго Дúха, ны́не и прýсно и во вéки векóв.**

**Чтец: Ами́нь.**

**И тропари сия:**

**Спасí, Гóсподи, люби Твой и благослови достойниe Твоé: побéды на сопротивныя дáруя, и Твоé сохраняя Крестом Твойм жýтельство.**

**Слáва Отцú и Сы́ну и Святóму Дúху.**

**Вознесися на Крест вóлею, тезоименитому Твоему новому жýтельству щедроты Твой дáруй, Христé Бóже: взвесели нас силою Твоёю, побéды дай нам на сопостáты, пособие имущим Твоé оружие мýра, непобедимую побéду.**

**И ны́не и прýсно и во вéки векóв. Ами́нь.**

**Предстáтельство страшное и непостыдное, не прéзри, Благáя, молитв на́ших, Всепéтая Богородице, утверди**

православных житейство, спаси верные люди Твой и подаждь им с небесе победу, зане родила еси Бога, едину Благословленная.

**Священник:** Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй. (**Трижды.**)

Ещё молимся о Великом Господине и отце нашем, Святейшем Патриархе Алексии и о Господине нашем, Преосвященнейшем епископе (**или:** архиепископе, **или:** митрополите, **имя, егоже есть область**) и о всей во Христе братии нашей.

**Лик:** Господи, помилуй. (**Трижды.**)

Ещё молимся о Богохранимой стране нашей, властех и вбчинстве ея, да тихое и безмолвное житие поживём во всяком благочестии и чистоте.

**Лик:** Господи, помилуй. (**Трижды.**)

Ещё молимся за всю братию и за вся христианы.

**Лик:** Господи, помилуй. (**Трижды.**)

**Священник:** Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

Именем Господним благослови, отче.

**Священник:** Слава Святей и Единосущней и Животворящей и Нераздельной Троице всегда, ныне и присно и во веки веков.

**Лик:** Аминь.

Чтец глаголет шестопсалмие (**псалмы 3, 37, 62, 87, 102, 142.**)

**Слава ввышихих Богу, и на земли мир, в человечех благоволение.** (**Трижды.**)

**Господи, устнё мой отверзеши, и уста моя возвестят хвалу Твою.** (**Дважды.**)

**Господи, что ся умножиша стужающие ми? Мнози восстают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава**

моя и возносяй главу мою. Гласом моим ко Господу воззвах, и услыша мя от горы святая Своя. Аз уснух, и спах, востах, яко Господь заступит мя. Не убоуся от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующия ми всуе: зубы грешников сокрушил еси. Господне есть спасение, и на людех Твоих благословение Твое.

**Аз уснух, и спах, востах, яко Господь заступит мя.**

Господи, да не яростию Твою обличиши мене, ниже гневом Твоим накажеши мене. Яко стрелы Твоя унзобша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица греха моих. Яко беззакония моя превзыдоша главу мою, яко бремя тяжкое отяготеши на мне. Возсмердеша и согниша раны мои от лица безумия моего. Пострадах и слякохся до конца, весь день сеяя хождах. Яко лядвия моя наполненася поруганий, и несть исцеления в плоти моей. Озлоблен бых и смирихся до зелы, рыках от вздохания сердца моего. Господи, пред Тобою все желание мое, и вздохание мое от Тебе не утайся. Сердце мое смятется, остави мя сила моя, и свет очи мои, и той несть со мною. Друзи мои и искренние мои прымо мне приближишася и сташа, и ближни мои отдалече мене сташа, и нуждахуся ищащии душу мою, ищащии злая мне глаголаху суетная и листивым весь день поучахуся. Аз же яко глух не слыхах и яко нем не отверзая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и внегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о грехе моем. Врази же мои живут и укрепишася паче мене, и умножишася ненавидящии мя без правды. Воздающие ми злая воз благая оболгаху мя, зане гонях благостьюю.

**Не остави менé, Господи Бóже мой, не отступí от менé. Вонмí в помошь мою, Господи спасéния моего.**

**Не остави менé, Господи Бóже мой, не отступí от менé. Вонмí в помошь мою, Господи спасéния моего.**

**Бóже, Бóже мой, к Тебе утrenюю, возжадá Тебе душá моя, коль мнóжицею Тебе плоть моя, в землí пустé и не-прохóдне, и безвóдне. Тáко во святéм явíхся Тебе, вíдети силу Твою и слáву Твою. Яко лúчши милость Твоя паче живóт, устнé мои похвалите Тя. Тáко благословлю Тя в животé моем, о и́мени Твоём воздежú рúце мои. Яко от тýка и масти да исполнится душá моя, и устнáма радости восхвáлят Тя устá моя. Аще поминáх Тя на постéли моей, на утrenних поучáхся в Тя. Яко был еси Помóщик мой, и в кróве крилú Твоёю возвráдуюся. Прильпé душá моя по Тебе, менé же прият десни́ца Твоя. Тíи же всуé искаша дúшу мою, вни́дут в преисподня землí, предадáтся в рúки ору́жия, части лíсовом будут. Царь же возвеселится о Бóзе, похвáлитя всяк кленýйся Им, яко загради́шася устá глагóльющих непрáведная.**

**На утrenних поучáхся в Тя, яко был еси Помóщик мой, и в кróве крилú Твоёю возвráдуюся.**

**Прильпé душа моя по Тебе, менé же прият десни́ца Твоя.**

**Слáва Отцú и Сыну и Святому Дúху, и ныне и прýсно и во вéки векóв. Ами́нь.**

**Аллилúиа, аллилúиа, аллилúиа, слáва Тебé, Бóже. (Трижды.)**

**Господи, помíлуй. (Трижды.)**

**Слáва Отцú и Сыну и Святому Дúху, и ныне и прýсно и во вéки векóв. Ами́нь.**

**И исходит священник от алтаря и глаголет молитвы утrenния тайно, пред святыми дверьми.**

**Господи Бóже спасéния моего, во дни воззвáх, и в нощí пред Тобóю. Да вни́дет пред Тя молítва моя: приклонí ухо Твое к молéнию моему, яко исполнися зол душá моя, и живóт мой аду прибли́жися. Привменéн бых с низходяющими**

в ров, бых яко человéк без помощи, в мéртвых свободъ, яко язвенни спяши во грóбе, и́хже не помянúл еси кто-мý, и ти́и от рукí Твоей отриновéни быша. Положиша мя в рóве преиспóднем, в тéмных и сéни смéртней. На мне утверди́ся ярость Твоя, и вся вóлны Твоя навéл еси на мя. Удалил еси знаемых моих от менé, положиша мя мéрзость себé: прéдан бых и не исхождáх. Очи мои изнемогóсте от нищеты, воззвáх к Тебе, Гóсподи, весь день, воздéх к Тебе рýце мои. Едá мéртвыми твориши чудесá? Или вráчеве воскресáт, и исповéдятся Тебé? Едá повéсть кто во грóбе мýлость Твою, и истину Твою в погибели? Едá познáна бýдут во тьме чудесá Твоя, и прáвда Твоя в землí забвéнней? И аз к Тебе, Гóсподи, воззвáх, и у́тро молýтва моя предвари́т Тя. Вскýю, Гóсподи, отреёши дýшу мою, отвраща́еш лицé Твое от менé? Нищ есмь аз, и в трудéх от юности моей; вознés же ся, смири́хся, и изнемогóх. На мне преидóша гнéви Твой, устрашения Твоя возмутíша мя, обыдоша мя яко вода, весь день одержáша мя вкýпе. Удалил еси от менé дру́га и искренняго, и знаемых моих от страстéй.

**Гóсподи Бóже спасéния моего, во дни воззвáх, и в нощि пред Тобóю.**

**Да вни́дет пред Тя молýтва моя: приклонí ухо Твое к молéнию моему.**

**Благословíй, душé моя, Гóспода, и вся внутренняя моя имя святóбе Его. Благословíй, душé моя, Гóспода, и не забывáй всех воздаяний Его, очищающаго вся беззакония твоя, исцеляющаго вся недýги твоя, избавляющаго от истилéния живóт твой, венчáющаго тя мýлостию и щедротами, исполняющаго во благих желáние твое: обновíтся яко орля юность твоя. Творяй мýлостыни Господь, и судьбó всем обидимым. Сказá пути Своя Моисéови, сыновóм Израилевым хотéния Своя. Щедр и мýлостив Господь, долготерпeliв и многомýлостив. Не до конца прогнéвает-ся, нижé в век враждует, не по беззаконием нашим сотвори́л есть нам, нижé по грехом нашим воздáл есть нам. Яко по высотé небéсней от землí, утверди́л есть Господь**

милость Свою на боящихся Его. Елико отстоит востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко перстъ есмы. Человек, яко трава дніе его, яко цвет сельный, тако оцветет. Яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнивших заповеди Его творити я. Господь на небеси уготова престол Свой, и Царство Его всеми обладает. Благословите Господа, все Ангели Его, сильни крепостию, творящии слово Его, услышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его. На всяком месте владычествия Его, благослови, душа моя, Господа.

**На всяком месте владычествия Его, благослови, душа моя, Господа.**

Господи, услыши молитву мою, внуши моление мое во истине Твоей, услыши мя в правде Твоей: и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвяя века. И уны во мне дух мой, во мне смятется сердце мое. Помянух дни дреования, поучихся во всех делях Твоих, в творениях рукъ Твоего поучахся. Воздех к Тебе руце мои, душа моя, яко земля безвбдная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мн заутра милость Твою, яко на Тя уповах. Скажи мне, Господи, путь, воньже пойду, яко к Тебе взях душу мою. Изми мя от враг моих, Господи, к Тебе прибегох. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоей изведеши от печали душу мою. И милостию Твоей потребиши враги мои и погубиши вся

стужающая душу мою, яко аз раб Твой есмь. Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

**Дух Твой Благий наставит мя на землю праву.**

**Слава Отцу и Сыну и Святому Духу, и ныне и присно и во веки веков. Аминь.**

**Аллилуя, аллилуя, аллилуя, слава Тебе, Боже.**  
**(Трижды.)**

**По шестопсалмии ектения великая:**

**Миром Господу помолимся.**

**Лик: Господи, помилуй.**

**О свыше́нем ми́ре и спасе́нии душ наших, Господу помо́лимся.**

**Лик: Господи, помилуй.**

**О ми́ре всего ми́ра, благостоя́нии Святых Божиих Церквей, и соедине́нии всех, Господу помолимся.**

**Лик: Господи, помилуй.**

**О святы́м хра́ме сем и с вéрою, благоговéнием и стра́хом Божиим входя́щих воинь, Господу помолимся.**

**Лик: Господи, помилуй.**

**О Вели́ком Господи́не и отцé нашем, Святéйшем Патриárхе Алексиí и о Господи́не нашем, Преосвящéннейшем еpíскопе (или: архиепи́скопе, или: митрополи́те, имѧ, егоже есть областъ), честнéм пресви́терстве, во Христé диáконстве, о всем при́чте и людех, Господу по́молимся.**

**Лик: Господи, помилуй.**

**О Богохрани́мей странé нашей, властéх и воинстве ей, Господу помолимся.**

**Лик: Господи, помилуй.**

**О гра́де сем, всяком гра́де, странé и вéрою живу́щих в них, Господу помолимся.**

**Лик: Господи, помилуй.**

**О благорастворéнии возду́хов, о изоби́лии плодов зем-ных и вре́менех ми́рных, Господу помолимся.**

**Лик:** Гóсподи, помíлуй.

О плáвающих, путешéствующих, недúгующих, стráж-  
дущих, пленéнных и о спасéнии их, Гóсподу помóлимся.

**Лик:** Гóсподи, помíлуй.

О избáвитися нам от всякия скóрби, гнéва и нúжды,  
Гóсподу помóлимся.

**Лик:** Гóсподи, помíлуй.

Заступíй, спасíй, помíлуй и сохрани нас, Бóже, Твоéю  
благодáтию.

**Лик:** Гóсподи, помíлуй.

Пресвятúю, Пречистую, Преблагословéнную, Слáвную  
Влады́чицу нашу Богорóдицу и Приснодéву Марíю, со  
всéми святýми помянúвшe, сáми себé и друг дру́га, и весь  
живóт наш Христú Бóгу предадíм.

**Лик:** Тебé, Гóсподи.

**Священник:** Яко подобáет Тебé всякая слáва, чéсть и  
поклонéние, Отцú и Сыну и Святому Дúху, ныне и прýсно  
и во вéки векóв.

**Лик:** Ами́нь.

**По окончании великой ектении начинаем пети во  
глас 2, велегласно и со сладкопением на оба лика:**

**Бог Господь, и явíся нам, благословéн Грядýй во и́мя  
Господне.**

**Стих 1: Исповéдайтесь Гóсподеви, яко Благ, яко в век  
мíлость Егó.**

**Бог Господь, и явíся нам, благословéн Грядýй во и́мя  
Господне.**

**Стих 2: Обышéдше обыdóша мя, и и́менем Господним  
противляхся им.**

**Бог Господь, и явíся нам, благословéн Грядýй во и́мя  
Господне.**

**Стих 3: Не умрú, но жив бúду, и повéм делá Господня.**

**Бог Господь, и явíся нам, благословéн Грядýй во и́мя  
Господне.**

**Стих 4:** Кáмень егóже небрегóша зíждущи, сей бысть во главú ýгла: от Гóспода бысть сей, и есть дíвен во очесéх наáших.

**Бог Господь, и явíся нам, благословéн Грядый во и́мя Господне.**

**Посем тропарь, глас 2:**

**Вéлия вéры исправлéния, во истóнице плáмене, яко на водé упокоéния, святýй мúченик Феóдор ráдовашся: огнéм бо всесожжéгся, яко хлеб слáдкий Тróице принесéся. Того молýтвами, Христé Бóже, спасí дúши наáша.**

**Слáва Отцú и Сыíну и Святóму Дúху.**

**Вéлия вéры исправлéния, во истóнице плáмене, яко на водé упокоéния, святýй мúченик Феóдор ráдовашся: огнéм бо всесожжéгся, яко хлеб слáдкий Тróице принесéся. Того молýтвами, Христé Бóже, спасí дúши наáша.**

**И нýне и прýсно и во вéки векóв. Амиń.**

**Вся пáче смы́сла, вся преслáвная Твой, Богородице, тáинства, чистотé запечáтannой, и дéвству храни́mu, Ма́ти позна́лася еси нелóжна, Бóга рóждши йíстиннаго. Того молý спасти́ся душáм наáшим.**

**Лик: Гóсподи, помíлуй. (Трижды.)**

**Слáва Отцú и Сыíну и Святóму Дúху.**

**Чтец: И нýне и прýсно и во вéки векóв. Амиń.**

**И чтется кафисма 16-я.**

**Аллилуиа, псалом Давиду, 109.**

Речé Господь Гóсподеви моему: седí одеснúю Мене, дондeже положú врагí Твоя поднбжие ног Твоих. Жезл сíлы послет Ти Господь от Сиóна, и господствуй посредé врагóв Твоих. С Тобóю начáло в день сíлы Твоей, во свéтлостех святых Твоих, из чréва прéжде денни́цы родíх Тя. Кля́тся Господь и не раска́ется: Ты иерéй во век по чйну Мелхиседéкову. Господь одеснúю Тебе сокруши́л есть в день гнéва Своего царí. Судит во язы́щех, исполнит падéния, сокрушít главы на землí мнóгих. От потóка на путí пиéт, сегó ráди вознесéт главу.

### Аллилуиа, 110.

**Исповéмся Тебе, Гóсподи, всем сéрдцем моим, в совéте прáвых и сбóнме. Вéлия делá Госпóдня, изыскана во всех вóлях Его. Исповéдание и великолéпие дéло Его, и прáвда Его пребываeт в век вéка. Пáмять сотворíл есть чудéс Своих, милостив и щедр Госпóдь. Пíшу дадé боящимся Его, помянéт в век завéт Свой. Крéпость дел Своих возвестí людем Своим, дáти им достояние языка. Делá рук Его истíна и суд, вéрны вся заповеди Его, утвержéны в век вéка, сотворéны во истине и правотé. Избавлéние послá людем Своим: заповéда в век завéт Свой, свято и страшно и́мя Его. Начáло премúдрости страх Госпóдень, разум же благ всем творяющим и. Хвалá Егó пребываeт в век вéка.**

### Аллилуиа,

### Аггеево и Захариино, псалом 111.

**Блажéн муж, бояйся Гóспода, в заповедех Его восхóщет зелó. Сильно на землí бýдет сéмя его, род прáвых благословítся: слáва и богáтство в дому его, и прáвда его пребываeт в век вéка. Возсия во тьме свет прáвым, милостив и щедр и прáведен. Благ муж, щéдря и дай: устрóйт словесá свой на судé, яко в век не подвижится. В пáмять вéчную бýдет прáведник. От слóха зла не убóйтся, готово сéрдце его уповáти на Гóспода. Утвердíся сéрдце его, не убóйтся, дóндеже воззrít на враги свой. Расточí, дадé убóгим, прáвда его пребываeт во век вéка, рог его вознесéтся в слáве. Грéшник узрит и прогнáется, зубы своими поскрежéщет и растáет. Желáние грéшника погибнет.**

**Слáва Отцú и Сыну и Святóму Дúху.**

**Лик: И нýне и прýсно и во вéки векóв. Аминь.**

**Аллилúиа, аллилúиа, аллилúиа, слáва Тебé, Бóже.**

**(Трижды.)**

**Гóсподи, помíлуй. (Трижды.)**

**Слáва Отцú и Сыну и Святóму Дúху.**

**Чтец: И нýне и прýсно и во вéки векóв. Аминь.**

**Аллилуиа, 112.**

**Х**валите, бтрыцы, Господа, хвалите имя Господне. Буди имя Господне благословено от ныне и до вёка. От восток солнца до запад хвально имя Господне. Высок над всеми языки Господь: над небесы слава Его. Кто яко Господь Бог наш? На высоких живый, и на смиренныя призирай на небесы и на землю, воздвизая от земли нища, и от гниющих возвышая убога, посади его с князи, с князи людёй своих; вселяя неплодовь в дом, мать о чадех веселящуся.

**Аллилуиа, 113.**

**В**о исходе Израилеве от Египта, дому Иаковля из людёй варвар, бысть Иудея святыня Его, Израиль область Его. Море виде и побеже, Иордан возвратися вспять, горы взыграшася, яко овни, и холми, яко агицы обвчии. Что ти есть, море, яко побегло еси? И тебе, Иордане, яко возвратился еси вспять? Горы, яко взыграстеся, яко овни, и холми, яко агицы обвчии? От лица Господня подвигнется земля, от лица Бога Иаковля, обращшаго камень во езера водная и несекомый во источники водный. Не нам, Господи, не нам, но имени Твоему даждь славу, о милости Твоей и истине Твоей. Да не когда рекут языцы: где есть Бог их? Бог же наш на небесы и на землю, вся елика восхоте, сотвори. Идоли языков сребрё и злато, дела рук человеческих. Уста имут, и не возлагают, очи имут, и не узрят, уши имут, и не услышат, ноздри имут, и не обоняют, руце имут, и не осажнут, нозе имут, и не пойдут, не возгласят гортанем своим. Подобни им да будут творящии я, и все надеющиеся на мя. Дом Израилев уповал на Господа: помощник и защититель им есть. Дом Аарон уповал на Господа: помощник и защититель им есть. Боящися Господа уповаша на Господа: помощник и защититель им есть. Господь помянув ны благословил есть нас, благословил есть дом Израилев, благословил есть дом Аарон, благословил есть боящися Господа, малые с великими. Да приложит Господь на вы, на вы и на сыны ваши. Благословени вы Господеви, сотворшему небо и землю. Небо небесе Господеви, землю же даде

сыновом человеческим. Не мертвии восхвалят Тя, Господи, ниже все низходящии во ад, но мы, живии, благословим Господа от ныне и до ве́ка.

**Аллилуиа, 114.**

Возлюбих, яко услышит Господь глас моления моего, яко приклони ухо Свое мне, и во дни моя призову. Объясша мя болезни смертныя, беды адовы обретоша мя, скорбь и болезнь обретох, и имя Господне призвах: о Господи, избави душу мою. Милостив Господь и пра́веден, и Бог наш милует. Храняй младенцы Господь: смирихся, и спасе мя. Обратися, душа моя, в покой твой, яко Господь благодействова тя. Яко изъят душу мою от смерти, очи мои от слез и нозе мои от поползновения. Благоугожду пред Господем во стране живых.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуйя, аллилуйя, аллилуйя, слава Тебе, Боже.**

(Трижды.)

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

**Аллилуиа, 115.**

Беровах, темже возглаголах, аз же смирихся зелоб. Аз же рех во изступлении моем: всяк человек ложь. Что воздам Господеви о всех, яже воздаде ми? Чашу спасения приму и имя Господне призову, молитвы моя Господеви воздам пред всеми людьми Его. Честна пред Господем смерть преподобных Его. О Господи, аз раб Твой, аз раб Твой и сын рабыни Твоей; растерзал еси узы мои. Тебе пожру жертву хвалы, и во имя Господне призову. Молитвы моя Господеви воздам пред всеми людьми Его, во дворех дому Господня, посреде тебе, Иерусалиме.

**Аллилуиа, 116.**

**Хвалите Господа, все языцы, похвалите Его, все люди, яко утвердися милость Его на нас, и истина Господня пребываеет во век.**

**Аллилуиа, 117.**

**И**сповéдайтесь Гóсподеви, яко Благ, яко в век мíлость Его. Да речéт ýбо дом Израилев: яко Благ, яко в век мíлость Его. Да речéт ýбо дом Аарóнь: яко Благ, яко в век мíлость Его. Да рекут ýбо вси бóящися Гóспода: яко Благ, яко в вéк мíлость Его. От скóрби призвáх Гóспода, и услýша мя в пространство. Госпóдь мне помóщник, и не убоюся, что сотворít мне человéк. Госпóдь мне помóщник, и аз воззró на врагí мой. Блáго есть надéятися на Гóспода, нéжели надéятися на человéка. Блáго есть упóвáти на Гóспода, нéжели уповáти на князи. Всí языцы обыdóша мя, и именем Госпóдним противляхся им, обышédше обыdóша мя, и именем Госпóдним противляхся им, обыdóша мя, яко пчёлы сот, и разгорéшася, яко огнь в тéрни, и именем Госпóдним противляхся им. Отриновéн превратíхся пáсти, и Госпóдь прийт мя. Кréпость моя и пéние мое Госпóдь, и бысть ми во спасéние. Глас ráдости и спасéния в селéниих прáведных: десníца Госпóдня сотворí силу, десníца Госпóдня вознесé мя, десníца Госпóдня сотворí силу. Не умрú, но жив бúду, и повéм дела Госпóдня. Наказýя наказá мя Госпóдь, смéрти же не предадé мя. Отвérзите мне вратá прáвды, вшед в ня исповéмся Гóсподеви. Сиá вратá Госпóдня, прáведнии вни́дут в ня. Исповéмся Тебе, яко услýшал мя еси, и был еси мне во спасéние. Кáмень, егóже небрегóша зíждущии, сей бысть во главу ýгла: от Гóспода бысть сей, и есть дíвен во очесéх наáших. Сей день, егóже сотворí Госпóдь, возráдумся и возвесelíмся вонь. О Гóсподи, спасí же, о Гóсподи, поспешí же. Благословéн грядый во и́мя Госпóдне, благословíхом вы из дóму Госпóдня. Бог Госпóдь, и явíся нам: состáвите прáздник во учащающихся до рог олтарéвых. Бог мой еси Ты, и исповéмся Тебе, Бог мой еси Ты, и вознесу Тя. Исповéмся Тебе, яко услýшал мя еси, и был еси мне во спасéние. Исповéдайтесь Гóсподеви, яко Благ, яко в век мíлость Его.

**Слáва Отцú и Сыíну и Святóму Дúху, и ныне и прýсно и во вéки векóв. Ами́нь.**

**Аллилúиа, аллилúиа, аллилúиа, слáва Тебé, Бóже.  
(Трижды.)**

**Гóсподи, помилуй. (Трижды.)**

**Таже екстения малая:**

**Пáки и пáки мýром Гóсподу помóлимся.**

**Лик:** Гóсподи, помíлуй.

**Заступí, спасí, помíлуй и сохрани нас, Бóже, Твоёю благодáтию.**

**Лик:** Гóсподи, помíлуй.

**Пресвятóю, Пречистую, Преблагословéнную, Слáвную Владычицу нашу Богородицу и Приснодéву Марию, со всéми святыми помянúвше, сáми себé и друг дру́га, и весь живóт наш Христý Бóгу предадíм.**

**Лик:** Тебé, Гóсподи.

**Священник:** Яко Твой держáва, и Твоé есть Цárство и сýла и слáва, Отцá и Сыíна и Святáго Дúха, ныне и прýсно и во вéки векóв.

**Лик:** Ами́нь.

**Таже седальны мученичны Октоиха прилучившагося гласа (зри Приложение).**

**Лик:** Гóсподи, помíлуй. (Трижды.)

**Слáва Отцú и Сыíну и Святóму Дúху.**

**Чтец:** И ныне и прýсно и во вéки векóв. Ами́нь.

**И читется кафисма 17-я.**

### **Аллилуиа, 118.**

**Блажéни непорóчни в путь, ходýши в закóне Гос-  
подни. Блажéни испытáющи свидéния Его, всем сéрдцем  
взы́щут Его. Не дéлающии бо беззакóния, в путéх Его  
ходиша. Ты заповéдал еси зáповеди Твоя сохранити зелó.  
Дабы испрáвилися путíе мои, сохранити оправдáния  
Твоя. Тогдá не постыжуся, внегdá призréти ми на вся  
зáповеди Твоя. Исповéмся Тебе в прáвости сéрдца, внегdá  
научýти ми ся судьбám прáвды Твоей. Оправдáния Твоя  
сохраню, не остави менé до зелá. В чесом испрáвит юнéй-**

ший путь свой? Внегда сохранити словеса Твоя. Всем сърдцем моим взысках Тебе, не отриши мене от заповедей Твоих. В сърдце моем скрых словеса Твоя, яко да не согрешу Тебе. Благословен еси, Господи, научи мя оправданием Твоим. Устна ма моя возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумею путь Твоя. Во оправданиях Твоих поучуся, не забуду словес Твоих. Воздаждь рабу Твоему: живи мя, и сохрани словеса Твоя. Открый очи мои, и уразумею чудеса от закона Твоего. Пришлец аз есмь на земли, не скрыт от мене заповеди Твоя. Возлюби душа моя возжелати судьбы Твоя на всякое время. Запретил еси гордым, прокляти уклоняющимся от заповедей Твоих. Отыми от мене понос и унижение, яко свидений Твой взысках. Ибо седоша князи и на мя клеветаху, раб же Твой глумляшеся во оправданиях Твоих. Ибо свидения Твоя поучение мое есть, и совети мои оправдания Твоя. Прильпе земли душа моя, живи мя по словеси Твоему. Путь моя возвестих, и услышал мя еси, научи мя оправданием Твоим. Путь оправданий Твоих вразуми ми, и поглумлюся в чудесах Твоих. Воздрема душа моя от уныния, утверди мя в словесах Твоих. Путь неправды отстави от мене, и законом Твоим помилуй мя. Путь истины извблих, и судьбы Твоя не забых. Прилепился свидением Твоим, Господи, не посрами мене. Путь заповедей Твоих текох, егда разширил еси сърдце мое. Законоположи мне, Господи, путь оправданий Твоих, и взыщи и выну. Вразуми мя, и испытай закон Твой, и сохрани и всем сърдцем моим. Настави мя на стезю заповедей Твоих, яко тую восхотех. Приклони сърдце мое во свидения Твоя, а не в лихойство. Отврати очи мои, еже не видети суеты, в пути Твоем живи мя. Постави рабу Твоему слово Твое в страх Твой. Отыми поношение мое, еже непщевах, яко судьбы Твоя благи. Се возжелах заповеди Твоя, в правде Твоей живи мя. И да прийдет на мя милость Твоя, Господи, спасение Твое по словеси Твоему, и отвещаю

поношающим ми слόво, яко уповáх на словесá Твоя. И не отымí от уст моих словесé истинна до зелá, яко на судьбы Твоя уповáх, и сохраниó закон Твой выíну, в век и в век вéка. И хождáх в широтé, яко зáповеди Твоя взыскáх, и глагóлах о свидéниях Твоих пред царí, и не стыдáхся, и поучáхся в зáповедех Твоих, яже возлюбíх зелó: и воз-  
двигóх рýце мои к зáповедем Твоим, яже возлюбíх, и глумляхся во оправдáниях Твоих. Помянí словесá Твой рабú Твоему, ихже уповáние дал ми есí. То мя утéши во смиréнии моем, яко слόво Твое живí мя. Гордии законо-  
преступовáху до зелá, от закóна же Твоего не уклонíхся. Помянúх судьбы Твоя от вéка, Гóсподи, и утéшихся. Пе-  
чáль прийт мя от грéшник, оставляющих закон Твой. Пéта бáху мне оправдáния Твоя на мéсте пришéльствия моего. Помянúх в нощи íмя Твое, Гóсподи, и сохраних закон Твой. Сей бысть мне, яко оправдáний Твоих взыскáх. Часть моя есí, Гóсподи, рех сохранити закон Твой. Помо-  
лихся лицу Твоему всем сéрдцем моим: помилуй мя по словесí Твоему. Помыслих путí Твоя, и возвратих нóзе мои во свидéния Твоя. Уготóвихся и не смутихся сохрани-  
ти зáповеди Твоя. Úжа грéшник обязáшася мне, и закóна Твоего не забых. Полúнощи востáх исповéдатися Тебе о судьбáх прáвды Твоей. Причáстник аз есмь всем бойщим-  
ся Тебе и хранящим зáповеди Твоя. Мíлости Твоей, Гóсподи, испóлни земля, оправдáнием Твоим научí мя. Блáгость сотворíл есí с рабом Твоим, Гóсподи, по словесí Твоему. Блáгости и наказáнию и ráзуmu научí мя, яко зá-  
поведем Твоим вéровах. Прéжде дáже не смирити ми ся, аз прегреших, сего ради слόво Твое сохраних. Благ есí Ты, Гóсподи, и блáгостию Твоёю научí мя оправдáнием Тво-  
им. Умножися на мя непráвда гордых, аз же всем сéрдцем моим испытáю зáповеди Твоя. Усырися яко млекó сéрдце их, аз же закóну Твоему поучíхся. Благо мне, яко смирил мя есí, яко да научуся оправдáнием Твоим. Благ мне за-  
и́н усí Твоих, паче тыíсящ злáта и сребра.

**Слáва Отцú и Сыíну и Святóму Дúху.**

**Лик:** И ныне и присно и во ве́ки веко́в. Ами́нь.

**Аллилу́иа, аллилу́иа, аллилу́иа, слáва Тебé, Бóже.**

(Трижды.)

**Гóсподи, помíлуй. (Трижды.)**

**Сláва Отцú и Сыну и Свято́му Духу.**

**Чтец:** И ныне и присно и во ве́ки веко́в. Ами́нь.

Рýце Твои сотвори́сте мя и созда́сте мя, вразуми́ мя, и научу́ся заповедем Твоим. Боя́щися Тебе ўзрят мя и воз- веселя́тся, я́ко на словесá Твоя уповáх. Разумех, Гóсподи, я́ко прáвда судьбы́ Твой, и войстинну смири́л мя еси́. Бúди же милость́ Твоя, да утéши́т мя по словесí Твоему рабу́ Твоему. Да прийдут мне щедроты́ Твоя, и жив бúду, я́ко закón Твой поучéние мое есть. Да постыдя́ться гóрдии, я́ко непráведно беззаконноваша на мя, аз же поглумли́ся в заповедех Твоих. Да обратя́т мя боя́щися Тебе и вéдящии свидéния Твоя. Бúди сéрдце мое непорочно во оправда́ни- их Твоих, я́ко да не постыжу́ся. Исчеза́ет во спасéние Твое душá моя, на словесá Твоя уповáх. Исчезо́ша очи мои в слóво Твое, глагóлюще: когдá утéшиши мя? Занé бых я́ко мех на слáне, оправда́ний Твоих не забы́х. Коли́ко есть дней рабá Твоего? Когдá сотвори́ши ми от гонящих мя суд? Повéдаша мне законопреступницы глумле́ния, но не я́ко закón Твой, Гóсподи. Вся заповеди Твоя истина; непrá- ведно погнáша мя, помози́ ми. Вмáле не скончáша менé на земли́, аз же не остави́х заповедей Твоих. По милости Твоей живи́ мя, и сохраню́ свидéния уст Твоих. Во век, Гóсподи, слóво Твое пребыва́ет на небесí. В род и род истина Твоя. Основа́л еси́ зéмлю, и пребыва́ет. Учинéнием Твоим пребыва́ет день, я́ко всяческая работна Тебе. Я́ко а́ще бы не закón Твой поучéние мое был, тогдá ѿбо погибл бых во смирéнии моем. Во век не забуду оправда́ний Тво- их, я́ко в них оживи́л мя еси́.

**[Среда:]**

Твой есмь аз, спаси́ мя, я́ко оправда́ний Твоих взыскáх. Менé жда́ша грéшницы погуби́ти мя, свидéния Твоя разу- мéх. Всякия кончины ви́дех конéц, широкá заповедь Твоя

зелó. Коль возлюбíх закón Твой, Гóсподи, весь день поучéние мое есть. Пáче враг мойх умудрíл мя есí зáповедию Твоéю, яко в век моя есть. Пáче всех учáщих мя разумéх, яко свидéния Твоя поучéние мое есть. Пáче стáрец разумéх, яко зáповеди Твоя взыскáх. От всякаго путí лука́ва возбранíх ногám мыйм, яко да сохранí словесá Твоя. От судéб Твоих не уклонíхся, яко Ты законоположíл ми есí. Коль сладкá гортáни моему словесá Твоя, пáче мéда устом мыйм. От зáповедей Твоих разумéх, сего рáди возненавídех всяк путь непráвды. Светильник ногáма мойма закón Твой, и свет стезýм моим. Кляхся и постáвих сохранити судьбы прáвды Твоей. Смирихся до зелá, Гóсподи, живí мя по словесí Твоему. Больная уст моих благоволí же, Гóсподи, и судьбám Твоим научи мя. Душá моя в рукý Твоéю выíну, и закóна Твоего не забых. Положиша грéшницы сеть мне, и от зáповедей Твоих не заблудíх. Наслéдовах свидéния Твоя во век, яко рáдование сéрдца моего суть. Приклонíх сéрдце мое сотворити оправдáния Твоя в век за воздаяние. Законопрестúпныя возненавídех, закón же Твой возлюбíх. Помóщник мой и Застúпник мой есí Ты, на словесá Твоя уповáх. Уклонíтесь от менé, лукáвнущии, и испытаю зáповеди Бóга моего. Заступи мя по словесí Твоему, и жив бúду, и не посрамí менé от чаяния моего, помозí ми, и спасúся, и поучúся во оправдáниях Твоих выíну. Уничижíл есí вся отступáющая от оправданий Твоих, яко непráведно помышлénие их. Преступающия непщевáх вся грéшныя землí, сего рáди возлюбíх свидéния Твоя. Пригвоздí стрáху Твоему плóти моя, от судéб бо Твоих убойхся. Створи суд и прáвду, не предáждь менé обýдящим мя. Восприимí рабá Твоего во блáго, да не оклеветáют менé гóрдии. Очи мои исчезбoste во спасéние Твое и в слóво прáвды Твоей. Створи с рабом Твоим по мíлости Твоей, и оправдáнием Твоим научí мя. Раб Твой есмь аз: вразумí мя, и увém свидéния Твоя. Время сотвориti Господеви: разориша закон Твой. Сего рáди возлюбíх зáповеди Твоя пáче злáта и топázия. Сего

rádi ко всем зáповедем Твоим направляхся, всяк путь непráвды возненави́дех. Дívна свидéния Твоя, сего ráди испытá я душá моя. Явлéние словéс Твоих просвещáет и вразумляет младéнцы. Устá моя отверзóх и привлекóх дух, яко зáповедей Твоих желáх.

**Слáва Отцú и Сыíну и Святóму Дúху.**

**Лик:** И нýне и прýсно и во вéки векóв. Ами́нь.

**Аллилúиа, аллилúиа, аллилúиа, слáва Тебé, Бóже.**  
**(Трижды.)**

**Гóсподи, помíлуй. (Трижды.)**

**Слáва Отцú и Сыíну и Святóму Дúху.**

**Чтец:** И нýне и прýсно и во вéки векóв. Ами́нь.

При́зри на мя и помíлуй мя, по судú лóбяющих íмя Твое. Стопы́ моя напráви по словесí Твоему, и да не обладáет мною всякое беззакóниe. Изба́ви мя от клеветы человéческия, и сохраню зáповеди Твоя. Лицé Твое просветí на рабá Твоего и научí мя оправдáнием Твоим. Исхóдища воднáя изведóсте очи моí, понéже не сохраних закóна Твоего. Прáведен есí, Гóсподи, и прáви судí Твои. Заповéдал есí прáвду свидéния Твоя, и истину зелó. Истáяла мя есть рéвность Твоя, яко забы́ша словесá Твоя вразí мои. Разжжéно слóво Твое зелó, и раб Твой возлюбí é. Юнéйший аз есмь и уничижéн, оправдáний Твоих не забы́х. Прáвда Твоя прáвда во век, и закóн Твой истинa. Скóрби и нúжды обретóша мя, зáповеди Твоя поучéние мое. Прáвда свидéния Твоя в век, вразумí мя, и жив бúду. Воззвáх всем сérдцем моím, услы́ши мя, Гóсподи, оправдáния Твоя взыщú. Воззвáх Ти, спасí мя, и сохраню свидéния Твоя. Предварíх в безгóдии и воззвáх, на словесá Твоя уповáх. Предварíste очи мои ко úтру, поучítися словесéм Твоим. Глас мой услы́ши, Гóсподи, по мíлости Твоей: по судьбé Твоей живí мя. Прибли́жишася гонýши мя беззакóниem, от закóна же Твоего удалýшася. Близ есí Ты, Гóсподи, и вси путиé Твои истинa. Испéрва познáх от свидéний Твоих, яко в век основáл я есí. Виждь смиréние мое, и измí мя, яко закóна Твоего не забы́х.

Судí суд мой и избáви мя, словесé ráди Твоего живí мя. Далéче от грéшник спасéние, яко оправдáний Твоих не взыскáша. Щедроты Твоя многи, Гóсподи, по судьбé Твоей живí мя. Мнози изгоняющи мя и стужающи ми, от свидéний Твоих не уклонíхся. Вíдех неразумевáющая, и истáях: яко словéс Твоих не сохраниша. Виждь, яко зáповеди Твоя возлюбíх, Гóсподи, по милости Твоей живí мя. Начáло словéс Твоих истíна, и во век вся судьбы прáвды Твоей. Князи поги́ша мя тýне, и от словéс Твоих убояся сéрдце мое. Возра́дуюся аз о словесéх Твоих, яко обретáй коры́сть многу. Непрáвду возненавíдех и омерзíх, зако́н же Твой возлюбíх. Седмери́цею днем хвалих Тя о судьбáх прáвды Твоей. Мир мног любящим зако́н Твой, и несть им соблázна. Чаях спасéния Твоего, Гóсподи, и зáповеди Твоя возлюбíх. Сохрани душá моя свидéния Твоя, и возлюбí я зелó. Сохраних зáповеди Твоя и свидéния Твоя, яко вси пути́ мои пред Тобою, Гóсподи. Да прибли́жится молéние мое пред Тя, Гóсподи, по словесí Твоему вразумí мя. Да вни́дет прошéние мое пред Тя, Гóсподи, по словесí Твоему избáви мя. Отры́гнут устнé мои пéние, егда научи́ши мя оправдáнием Твоим. Провещáет язы́к мой словесá Твоя, яко вся зáповеди Твоя прáвда. Да бúдет рука́ Твоя ёже спасí мя, яко зáповеди Твоя извóлих. Возжелáх спасéние Твое, Гóсподи, и зако́н Твой поучéние мое есть. Живá бúдет душá моя и восхвáлит Тя: и судьбы Твоя помóгут мне. Заблудíх, яко овчá поги́вшее: взыщи рабá Твоего, яко зáповедей Твоих не забы́х.

**Слáва Отцú и Сыну и Святому Дúху, и ныне и прýсно и во вéки векóв. Амíнь.**

**Аллилúиа, аллилúиа, аллилúиа, слáва Тебé, Бóже.  
(Трижды.)**

**Также ектения малая:**

**Пáки и пáки мíром Гóсподу помóлимся.**

**Лик: Гóсподи, помíлуй.**

**Заступí, спасí, помíлуй и сохрани нас, Бóже, Твоéю благодáтию.**

**Лик:** Гóсподи, помíлуй.

Пресвятóю, Пречистóю, Преблагословéнную, Сláвную Владычицу нашу Богородицу и Приснодéву Марию, со всéми святыми помянúвшe, сáми себé и друг дру́га, и весь живóт наш Христó Бóгу предадíм.

**Лик:** Тебé, Гóсподи.

**Священник:** Яко Благ и Человеколюбец Бог еси, и Тебé слáву возсылáем, Отцú и Сыну и Святóму Дúху, ныне и прýсно и во вéки векóв.

**Лик:** Ами́нь.

**Седальны Триоди святаго Феодора, глас 3:**

**Подобен:** Бóжия вéры:

Кипя вéры правосла́вием, прéлесть угасíл еси зло-слáвия, упразднив идольское безбóжие: и всесожжéние божéственное быв, чудодéйствии орошаеши концы, мúчениче преслáвне, Христá Бóга молí дарова́ти нам вéлию мýлость.

**Сláва Отцú и Сыну и Святóму Дúху.**

Божéственный дар, тя ко спасéнию всей дадé вселéней, в страдáльчествах укрепíвый тя Господь, душéвныя на́ша болéзни исцеляя, и телéсныя страсти побеждая, мýчениче Феóдоре, Христá Бóга молí дарова́ти нам вéлию мýлость.

**И** ныне и прýсно и во вéки векóв. Ами́нь.

Невместíмаго Бóга, во утробе Твоéй, Дéво Пречистая, носíвшая, прéжде век от Отца нетлéнно возсиявшаго, Слóва Ипостásнаго и Сына Единосúщнаго, Сего молí с прорóки и мýченики, преподóбными, постники и прáведными, дарова́ти нам разрешéние прегрешéний.

**Лик:** Гóсподи, помíлуй. (**Трижды.**)

**Сláва Отцú и Сыну и Святóму Дúху.**

**Чтец:** И ныне и прýсно и во вéки векóв. Ами́нь.

**Псалом 50.**

Помíлуй мя, Бóже, по велицей мýлости Твоей, и по множеству щедрот Твойх очисти беззакóние мое. Наипáче омы́й мя от беззакóния моего, и от греха моего очисти мя.

Яко беззаконие мое аз знаю, и грех мой предо мною есть выиу. Тебе единому согреших и лукавое пред Тобою сотворих, яко да оправдиши во словесех Твойх, и победиши, внегда судити Ти. Се бо в беззакониях зачат есмь, и во грехах роди мя мати моя. Се бо истину возлюбил еси, безвестная и тайная премудрости Твоей явил ми еси. Окрупиши мя иссопом, и очищуся, омыеш мя, и паче снега убелюсь. Слуху моему даси радость и веселие, возрадуются кости смиренныя. Отврати лицо Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отымай от мене. Воздаждь ми радость спасения Твоего, и Духом Владычним утверди мя. Научу беззакония путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимская. Тогда благоволиши жертву правды, возношение и всесожгаемая; тогда возложат на олтарь Твой тельцы.

**Зде поем канон храма со ирмосом на 6: ирмос по дважды. И святаго Феодора на 8. И глаголем песни: Господеви поем: на оба лика поскору, кийждо лик свой стих.**

### Песнь 1

Господеви поем, славно бо прославися, коня и всадника верже в море.

Помощник и Покровитель бысть мне во спасение, Сей мой Бог, и прославлю Его, Бог отца моего, и вознесу Его.

Господь сокрушаяй брауни. Господь имя Ему, колесницы фараоновы, и силу его верже в море.

Пучиною покры я, погрязоша во глубине, яко камень.

**Огустёша, яко стена́ вóды, огустёша и вóлны посреде мóря.**

**И поет лик ирмос канона храма.**

**Стих:** Речé враг: гнав постýгну, разделю корысть, исполню дúшу мою, убию мечём мойм, господствовати бу́дет рукá мойя.

**И поется тойже ирмос канона храма.**

**Стих:** Послáл еси дух Твой, покры́ я мóре, погрязоша, яко блово, в водé зéльней.

**И чтется тропарь канона храма.**

**Стих:** Кто подобен Тебé в бозéх, Гóсподи? кто подобен Тебé, прославлен во святы́х, дíвен, слáвно творя́й чудесá?

**И тропарь канона храма.**

**Стих:** Простéрл еси десни́цу Твою, пожré я земля́, настáвил еси прáвио Твоéю люди Твой си́я, яже избáвил еси.

**И тропарь канона храма.**

**Стих:** Утéшил еси крéпостию Твоéю во обýтель святóю Твою. Слýшаша язы́цы и прогнéвашася, болéзни приýша живу́щии в Филистíме.

**И тропарь канона храма.**

**Стих:** Тогда потща́сся влады́ки Едомstии, и князéй Моавítских приýт я трéпет, растáяша вси живу́щии в Ханаáне.

**Зде чтется канон святаго Феодора, глас 4:**

Всех Превы́шший, Ты неизречéнно родившую, всех предположí вышшую Свойх избранных: тémже днесь сего венéчника пои́ще, Всепéтая, Тебé предначинáем.

Великаго в мýченицах, страдальца пресвéтлаго, имéйтаго и преславного в чудесéх, от конéц земли и до конéц знаменитаго, пéсньми воспою Феодора. (За един.)

**Стих:** Нападéт на ия страх и трéпет, величием мышцы Твоей да окáменятся.

День весéлый в скóрбех возсия́, и сéтование сих уясни́, предпáзднственная предпúтия издалéча, просиявша благодáтию божественного мýченика.

**Стих:** Дондже пройдут людие Твой, Господи, дондже пройдут людие Твой сии, яже стяжал еси.

**Кропит очищения Церковь, кровьми святобе заколение, еже прият пожранный и в жертву приятый, страдальчествовавшаго Божественныея ради славы Его.**

**Стих:** Соделал еси, Господи, святиню, юже уготовасте руце Твой.

**Богородичен:** Красно аще и незрео, еже праздновати узаконися: украсившая бо вся Владычица, и ныне показа сей памяти приобщающаяся предбездествующему крою.

### Иный канон, глас 6:

**Стих:** Господь, царствующий веши, и на век, и еще, егда вниде конь фараонов с колесницами и всадники в море.

Чудный во святых войстинну Боже, во мне удиви милости Твой, Христе, слово ми даряя, яко да чудная восхвалю Твоего мученика.

**Стих:** Сынове же Израилевы проидша сущею посреде моря.

Твердое в страдальчестве, и терпеливое в болезнях показал еси, страстотерпче Христов: скорое же паки на нас помоши являя твоей, Феодоре.

Слава Отцу и Сыну и Святому Духу.

Благочестивую отец веру, от души его мучитель отревая зле, нечестивый совет Богу приразив, восхоте присно ити.

И ныне и присно и во веши веков. Аминь.

**Богородичен:** Богоречивых проречения дрёвле мужей, на Тебе исполненная, Мати Дево, яве: яко Бога рожденная истинного, и Человека истинного, паче естества и ужасно.

**Таже катавасия:** Отверзу уста мои, и наполнятся духа, и слово отрыгну Царице Матери, и явлюся светло торжествуя, и воспою радуясь Тоя чудеса.

### Песнь 3

**Утвердися сердце моё во Господе, вознесёся рог мой о Бозе моём, разширишася уста мои на враги мои, возвеселихся о спасении Твоём.**

**Яко несть свят, яко Господь, и несть праведен, яко Бог наш, и несть свят, паче Тебé.**

**Не хвалитеся и не глаголите высокая в гордыни, ниже да изыдет величие из уст ваших.**

**Яко Бог разумов Господь, и Бог уготовляй начинания Свой.**

**Лук сильных изнеможе, и немоществующий препоясавшийся силою.**

**Зде поется ирмос канона храма.**

**Стих: Исполненний хлебов лишившаяся, и алчущий присяствовавша землю.**

**И поется тойже ирмос канона храма.**

**Стих: Яко неплоды роди седьмь, и многая в чадех изнеможе.**

**И чтется тропарь канона храма.**

**Стих: Господь мертвый, и живый, низводит во ад, и возводит.**

**И тропарь канона храма.**

**Стих: Господь убожит и богатый, смиряет и высит, возставляет от земли убога, и от гибища воздвигает нища.**

**И тропарь канона храма.**

**Стих: Посадит его с могущими людьми, и престол славы наследуя ему.**

**И тропарь канона храма.**

**Стих: Дай молитву молящемуся, и благослови лета праведного.**

**Зде чтется канон святого Феодора.**

**Видети день Сына Твоего желавше христоимение любдие, во образ сего, Владычице, тому ныне предпраздествуют, Тебé носяще показание, и славнаго страстотерпца Твоего.**

**Побеждают вскими образы лучшая: великий бо во страдальцах в веселие измени временнную скорбь, святаго зельное постя обратив во ослабление. (За един.)**

**Стих: Господь немощна сотвори супостата егб, Господь Свят.**

**Свóйственный и подóбный тебé дар, ибо от свойх, страдáльче: и́хже бо сам вселил еси в сей частице твоей, обра́дованно дáры тебé похвál приносим.**

**Добрéйшее основáние положил еси, твойми изрýдсты, изрýдне, звёря всегубительна, огнём и убийством ды-шуща, низложив яко бездéльна, преестéственною доблес-тию. (За един.)**

**Стих:** Да не хвáлится премúрый премúростию своéю, и да не хвáлится сильный сýлою своéю, и да не хвáлится богáтый богáтством свойм.

**Нейстовствовав** и новый отстúпник по равному лóте дрéвнему, жéртвы бráшном якоже ядом смесí, но лóжный окáйминик премудрился мýчеником.

**Стих:** И творíти суд и прáвду посредé земли.

**Богороди́чен:** Испóлнися úбо вся, Дéво, знáти Гóспода земли, из Тебé мýру явлъшася, но божéственным мýчеником благодáть мнóгая, утверди́вшим самéми со-бóю истину.

**Стих:** Господь взыде на небесá, и возгремé, Той сúдит юнцéм земли, Прáведен сый.

**Иный канон:**

**Пéрвее в Евины** úши пошептáвый лéстно, и Адáма тóю-же прелъстíвый лéстно, той и ныне яд злóбы к лéсти иззлий.

**Стих:** И даст крéость царю нашему, и вознесéт рог христá Своегó.

**Лестцá имáше на него, питáше нейстовство противу правоживúщим, врёмя взыскáше прáвое, вóньже мéр-зость сотворíти поучáшеся пребеззакónнейший.**

**Слáва Отцу и Сыну и Святóму Дýху.**

**Дней начáток святых настá постóв, в нíхже всякий христиáнин самого себе воздержáнием мнóгим очíстив, всех отáсяся.**

**И ныне и прýсно и во вéки векóв. Амíнь.**

**Богородичен:** Надéждо мíру держáвная, покróве и предстáтельство Всесвятáя Дéво, не прéзри, Благáя, молéния рабóв, от любéв Тя прýсно ублажающих.

**Также катавасия:** Твóй песнослóвцы, Богорóдице, живýй и незавýстный истóчниче, лик Себé совокúпльшия духóвно утверди, в Божéственней Твоéй слáве, венцéв слáвы сподоби.

**Посем ектения малая:**

**Пáки и пáки мíром Гóсподу помóлимся.**

**Лик:** Гóсподи, помíлуй.

**Заступíй, спасí, помíлуй и сохрани нас, Бóже, Твоéю благодáтию.**

**Лик:** Гóсподи, помíлуй.

**Пресвятóю, Пречистую, Преблагословéнную, Слáвную Влады́чицу нашу Богорóдицу и Приснодéву Марию, со всéми святыми помянúвше, сáми себé и друг дру́га, и весь живóт наш Христú Бóгу предадíм.**

**Лик:** Тебé, Гóсподи.

**Священник:** Яко Ты еси Бог наш и Тебé слáву возсылаем, Отцú и Сыну и Святому Дúху, ныне и прýсно и во вéки векóв.

**Лик:** Амíнь.

#### Седален, глас 8:

**Подобен:** Премéдности слóво:

**Божéственное всеорúжие восприим, и юдолов лесть низложíв, Ангелы воздвígл еси восхваляти подвиги твóй: божéственным бо желáнием ум распалíв, смерть во огнí доблестенно презрél еси. Тéмже именоно́бно просýщим тя дáрой Божéственные дáры, исцелéний подаяния, страстотéрпче Феóдоре: молíся Христú Бóгу, согрешéний оставлéние даровати, прáзднующим любóвию святóю память твою.**

**Слáва Отцú и Сыну и Святому Дúху.**

**Максимиáновыми ласкáными не уклонíвся, Христóвыми же словесы мýжествовав, юдольское кáпище во огнí испепелил еси, страдáльчески победíв дóбре сопротíвника,**

пророчески прешёл еси огнь, якоже в водé. Тёмже достойно воздайние подвигóв, источаеши исцелéния, страстотéрпче Фебдоре: молися Христу Бóгу, прегрешéний оставлéнию даровáтися, прáзднующим любóвию святóю память твою.

**И ныне и присно и во вёки векóв. Амíнь.**

**Яко Всенепорóчная Невéста Творцá, яко Ненискусомúжная Máти Избáвителя, яко приятелище сúщи Вышняго, Всепéтая, беззакónия мя сúща скvéрное жилище, и в разуме бывша бесób игрáлище, потщи́ся и сих злодéйствия мя избáвити, свéтлое жилище добродéтелию стяжáвшая, свéтоприéмнице нетлéнная: разжени облак страстéй, и гóрния свéтности сподоби, и свéта невечéряго молítвами Твойми.**

#### Песнь 4

**Гóсподи, услышах слух Твой, и убо́хся, Гóсподи, разумéх делá Твой, и ужасóхся.**

**Внегдá смути́тися душí моей во гнéве, милость Твою помянéши.**

**Бог от юга приидет, и Святýй из горы приосенéнныя чáщи.**

**Покры небесá добродéтель Егó, и хвалы Егó испóльни землý.**

**Вложил еси во главы беззакónных смерть, воздвигл еси úзы дáже до выи в конéц.**

**И поется ирмос канона храма.**

**Стих: Разсéкл еси во изступлении главы сильных, стрясутся в ней, развéрзут узды своé, яко снедáяй нищий тай.**

**И паки той же ирмос.**

**Стих: И возвéл еси на мóре кóни Твой, смущающие вóды мнóги.**

**И чтется тропарь канона храма.**

**Стих: Сохранихся, и убо́хся сéрдце моé, от гла́са молítвы устéн мойх.**

**И тропарь канона храма.**

**Стих:** И вниде трéпет в кóсти моя, и во мне смятёся  
крéпость моя.

**И тропарь канона храма.**

**Стих:** Почию в день скóрби моей, да взыду в люди при-  
шельствия моего.

**И тропарь канона храма.**

**Стих:** Занé смоквь не плодопринесёт, и не бúдет рóда в  
лозáх.

**Зде чтется канон святаго Феодора.**

О нóваго и преславного смешéния же и растворéния!  
Дéвству рождествó соединíй родившýся Еогочеловéк: сé-  
тованным же днем весéлие, Своегó почитáя страдáльца,  
вмесíй.

Виждь, кáко Христá любáше, Христóви вóинствуяй!  
Врагíй бо сéго рéвностию и огнéм погубí, и себé конéчне  
дóбрую и приятную Ему жéртву усéрдно отадé. (**За  
един.**)

**Стих:** Солжéт дéло ма́слинное, и поля не сотворят яди.

Победоносный от страдáльчества дóблий разреши,  
дерзновéнно глагóля, и презрéнием мучéний зрители удивíв,  
и быв всей твáри нóвое и преславное позóрище.

**Стих:** Оскудéша óвцы от пíщи, и не бúдет волóв при-  
яслех.

Кóсть ýбо не сокрушился Бóга и Владыки моего, о  
долготерпéния, и по умерщвлéнию стрáждуща! Бóина  
же Его огнь приéм, и кóло устыдéся, умérшу прикос-  
нутися.

**Стих:** Аз же о Гóсподе возráдуюся, возвеселился о Бóзе,  
Спа́се моём.

**Богородичен:** Соумéрши Владыце, Животá служите-  
ли, и совостáвши живут у Него ныне вéчно: и Сыну  
Мáтерь спрославляют, благословяще Отцá, Сына и Дúха  
Святáго.

**Стих:** Господь Бог мой, сíла моя, и учinit нóзе мой на  
совершéние.

**Иный канон:**

**Совéт совещавáет нечестíвейший, зрыте яко войстину есть страшно: разумé бо окáйный мéрзскими бráшны люди Христóвы осквернítи.**

**Стих: И** на высóкая возвóдит мя, победíти ми в пéсни Егó.

**В** дéло приведé совéт беззакóнный: возбранýти бо повелéв чистых ядéний бráшно, и предложýти яже он осквернí кровьми.

**Слáва Отцú и Сыíну и Святóму Дýху.**

**Бысть явственno и оглашéнno беззакóние всем христиáном: тéмже якоже увéдеша, стекóшася вси кúпно в храм Господень святýй.**

**И** ны́не и прýсно и во вéки векóв. Амíнь.

**Богородичен:** Тя, рóждшую Предвéчнаго, от Отцá рождénнаго, ны́не вéрнии Молйтвенницу предлагáем: Той молítвами, Христé, преклонéн, благоувéтлив бúди рабом Твойм.

**Таже катаvасия:** Седáй в слáве, на престóле Божествá, во облаце лéгце прийде Иисус Пребожéственный, нетлéнною дláнию, и спасé зовúщия: слáва, Христé, сíле Твоéй.

**Песнь 5**

**От нóщи утренюет дух мой к Тебé, Бóже, занé свет повелéния Твой на землý.**

**Правде научýтесь, живу́щии на землý.**

**Гóсподи, высокá Твой мы́шца, и не вéдеша, разумéвшe же постыдýтся.**

**И поется ирмос канона храма.**

**Стих: Зáвисть приймет люди ненакáзанныя, и ны́не огнь супостáты пойст.**

**Паки поется тойжde ирмос канона храма.**

**Стих: Гóсподи, Бóже наш, мир дажdь нам, вся бо воздáл есý нам.**

**И чтется тропарь канона храма.**

**Стих: Гóсподи Бóже наш, стяжí ны, Гóсподи, разве Тебé не вéмы, имя Твоé именуém.**

**И тропарь канона храма.**

**Стих:** Мéртвии же животá не íмут вíдеть, нижé врачеве воскресáйт.

**И тропарь канона храма.**

**Стих:** Сего ráди навéл есí и погубíл, и взял есí всяк мўжеск пол их.

**И тропарь канона храма.**

**Стих:** Приложí им зла, Гóсподи, приложí зла слáвным землí.

**Зде читется канон святаго Феодора.**

Отверзáются днесь преддвéрия благодáти, и упокоéние ныне сámое прообразáет воскресéние, сíце светоносне свéтлую Владычицу почитáюще, и слáвного мúченика.

**Стих:** Гóсподи, в скóрби помянúхом Тя, в скóрби маlé наказáние Твоé нам.

Дáрует тезоименítый дар Бог, Феóдора, возлюбíвшим явлъшаго возлюбленного явле́ние, преслáвных дел творца и Божéственных сил самодéтеля содея́емаго.

**Стих:** И яко болáщая приближáется родíти, и в болéзни своéй вопияшé, тáко бы́хом возлюбленному Твоему.

Ничтóже к мúченику лúцы и стрéлы твоá, вráже челоvéческаго спасéния: и умéрый бо живéт, и возбнý, и злодéйством твоим противля́йся спасáет вся́кого правослáвного.

**Стих: Не падéм, но падút живúщии на землí.**

**Богородичен:** Стráнное бы́ше прéжде чудо, Богоотрóковице, страдáльческими же свидéтельствы прият вéру несумнéнну, и вéруемое прýсно пребыва́ет чудíмое, и вéрне покланя́емое.

**Стих:** Воскрéснут мéртвии, и востáнут иже во гробéх, и возвеселáтся иже на землí.

**Иный канон:**

Тогдашний ýбо архиерéй весь ужаснúвся, нечестíваго якоже увéде совéт, пéсными всенощными Бóга моляшe, не презréти в конéц людéй жréбия его.

**Стих:** Рога бо яже от Тебе, исцеление им есть, земля же нечестивых падёт.

Но скорый воистину помощник, во истине и теплоте призывающих, моления их не презре́т всякаго: но скорейшее им соделовает разрешение начинания.

**Слава Отцу и Сыну и Святому Духу.**

От вышних помощник посылается яко скорее на землю, страстотерпец Феодор, и пастыреначальнику являет-ся, разрешение научая беззаконного совёта.

**И ныне и присно и во вёки веков. Аминь.**

**Богородицен:** Никтоже притекая к Твоему, Владычице, заступлению тепле, посрамится когда: но просит благодати, и дар приёмлет, к полезному скорейший прошения.

**Таже катафасия:** Ужасошася всяческая о Божественной славе Твой: Ты бо, неискусобрáчная Де́во, имела еси во утробе над всеми Бога, и родил еси безлётного Сына, всем воспевающим Тя, мир подавающая.

### Песнь 6

**Лик поет ирмос канона храма. (Дважды.)**

**Стих:** Возопих в скорби моей ко Господу, Богу моему, и услыша мя.

**И чутется тропарь канона храма.**

**Стих:** Отвёргл мя еси во глубини сердца морского, и реки обыдоша мя.

**И тропарь канона храма.**

**Стих:** Вся высоты Твой и волны Твой на мне преидоша.

**И тропарь канона храма.**

**Стих:** Еда приложу призрести ми к храму святому Твоему.

**И тропарь канона храма.**

**Стих:** Возлиялся водой до души моей, бездна обиде мя последняя.

**Зде чутется канон святого Феодора:**

Постигнися, спасе, не могут, друзи и сынове чертога Твоего: Тебе бо Жениха с Материю и с другом Твоим учреждают предстояща, и служат.

**Стих:** Понрé главá моя в разсéли гор, сnidóх в зéмлю, еýже вереý еý закléпи вéчни.

**Отступí** Бóга спасáющаго, отступí и от ráзума злонимейтый, и кичéнием востá на вéру: но вмéсто сего обréте великоименítаго.

**Стих:** И да взýдет из истлéния живóт мой к Тебé, Гóсподи Бóже мой.

Пострадáв предстá мúдршиj, и сотвóрь дóблий téпльшиj, к мучítелем бо бráнию, и побéдою дóбре обучívся, нижé ýмер отступí исправléния.

**Стих:** И да приýдет к Тебé молýтва моя, к хрáму свя-тому Твоему.

**Богородичен:** Избáвльшеся днесъ, Владычице, беды душетлéнныя, чудесéм страстотéрпца Твоегó, по Твоему Божéственному промышлению, благодáть обойм возлагáем.

**Стих:** Храня́щии сúётная и лóжная, милость свою оsta-виша.

**Иный канон святаго Феодора:**

Стáнному ужасáся видéния Твоегó, архиерéй протýво речé: ты кто еси, гóсподи, глагóляй мне? вразумí и на-учí, кáко обря́щем скорéйшую помошь?

**Стих:** Елика обещáх, воздáм Тебé во спасéние моé, Гóсподеви.

**Феодор** речé: аз есмь я́вственно страстотéрпец, и слýши: пшеницу сварíв, разделí людем, и тáко спасýтся от скvéрных бráшен прелéстника.

**Сláва Отцу и Сыну и Святому Дúху.**

Кóль вéлие чúдо твоé, и преслáвное твоé заступléние, Фeбдоре: тéмже дерзающе вси чисто к тебе прибегáем, и мóлимся: спасí рабы твой.

**И** ныне и прýсно и во вéки векóв. Аминь.

**Богородичен:** Свéта жилище и приýтелище чистое Слóва былá еси, Отцá благоволéнием, и к Тебе посещéнием Дúха Святáго: тéмже мя просветí.

**Таже катавасия:** Божéственное сиé и всечестнóе, совершающе прáзднество, богомúдрии Богомáтере,

приидите, руками восплéшим, от Ней рóждшагося Бóга слáвим.

**Посем ектения малая:**

**Пáки и пáки мíром Гóсподу помóлимся.**

**Лик:** Гóсподи, помíлуй.

**Заступíй, спасí, помílуй и сохрани нас, Бóже, Твоёю благода́тию.**

**Лик:** Гóсподи, помíлуй.

**Пресвятóю, Пречíстую, Преблагословéнную, Слáвную Влады́чицу нашу Богорóдицу и Приснодéву Марíю, со всéми святыми помянúвше, сáми себé и друг дру́га, и весь живóт наш Христóу Бóгу предадíм.**

**Лик:** Тебé, Гóсподи.

**Священник:** Ты бо еси Цáрь мíра и Тебé слáву возсыла́ем. Отпú и Сы́ну и Святóму Дúху, ныне и прýсно и во вéки векóв.

**Лик:** Амíнь.

### Кондак, глас 8:

**Вéру Христóву яко щит внутрь приём в сéрдце твоём, противные сíлы попрál еси, многострадальче, и венцéм небéсным венчáлся еси вéчно, Феóдоре, яко непобедимый.**

**Икос:** На престóле свéта носíмаго, благодáрственno вéрою воспевáем Тя, яко дарование Божéственное даврóвал еси, дóbляго страдáньми Феóдора, в житий требла-жéнного, яко побóрника сúща истины: иже благочес-тýвым помышлéнием стяжáв Христá, держáвный бысть победитель на лéстнаго, яко непобедимый.

### Песнь 7

**Лик поет ирмос канона храма. (Дважды.)**

**Стих:** Благословéн еси, Гóсподи, Бóже отéц наших, и хвáльно и прославлено и́мя Твоé во вéки.

**И чтется тропарь канона храма.**

**Стих:** И вся делá Твой и́стинна, и прáви путнé Твой.

**И тропарь канона храма.**

**Стих:** И вси суди́ Твой юсти́нни, и судьбы́ юсти́нны со-  
твори́л еси́.

**И тропарь канона храма.**

**Стих:** И на град святы́й оте́ц на́ших Иерусалíм.

**И тропарь канона храма.**

**Стих:** Благослове́н еси́, Го́споди, Бóже оте́ц на́ших, и  
препéтый и превозноси́мый во вéки.

**Зде чтется канон святаго Феодора:**

Зако́ну рекл еси́ не лежа́ти прáведником Твоим,  
прáведный Влады́ко: тёмже Ма́ти Твой, и многочúдный  
сей раб Твой, свéтлостию памя́ти, сих днесь зако́ны разо-  
ряют пощéния.

**Стих:** И благослове́но ю́мя слáвы Твоей святобе, препé-  
тое и превозноси́мое во вéки.

Коль слáдкое и вели́кое, и рáдостное нынешнее тор-  
жество! ёже мучеников нам доблестный и превéлий ныне  
вообразí, единем чудесе́м от нечи́стых чистыя люди Хри-  
стóвны соверши́в.

**Стих:** Благослове́н еси́ в хráме святы́я слáвы Твоей,  
препéтый и превозноси́мый во вéки.

К зми́ем лóтым сопротíвльшагося, и возмóгшаго на  
душетлénного же, и осквернýющаго одушевлénную телесá,  
венчáим побéдными пéснами, и венце́в похвалáми.

**Стих:** Благослове́н еси́ ви́дяй бéздны, седя́ на Херувí-  
мех, препéтый и превозноси́мый во вéки.

**Богородичен:** Родоначáльник є́бо проувéдев душетлén-  
ное бра́шно не убежé: Твой же вéрнии людие от Твоего  
мученика преднаучившеся, и избéгше всепáгубныя пíщи,  
с сим, Влады́чице, спасительная Тебé жрут.

**Стих:** Благослове́н еси́ на престóле слáвы Цárствия  
Твоего, препéтый и превозноси́мый во вéки.

**Иный канон святаго Феодора:**

Росодáвец печáли, и распалéния облак явíлся еси́, пре-  
славне, и спасл еси́ от пéщи мучительская, зовущая вся  
вéрныя: благослове́н еси́, Бóже, оте́ц на́ших.

**Стих:** Благословён есій на твёрди небесней, препетый и превозносимый во веќи.

Царю́ пребеззаконнейший, посрами́ся, и да заградя́тся устá твоя, поучая́щаяся на нас беззаконному сове́ту: разруши́ бо твою́ крепость ца́рствуяй Царь и всех Госпо́дь.

**Сла́ва Отцú и Сы́ну и Свято́му Духу.**

Иулиа́не безумне, се́рдце твоё все злобы исполнися, обава́ется же от премудраго Бóга нашего, излия́вшее-ся лестно на нас, вопиющиx к Нему́: благодатъ подавае-ши нам.

**И** ныне и присно и во веки веков. Ами́нь.

**Богородичен:** Паче слова Твоё бысть зачатие, и паче умá рождество Твоё, Всенепорочная: Бóга бо родилá есій плóтию, спасшаго вся от тлéния, Благословённая. Тёмже ныне, Богородице, Тя слáвим.

**Таже катавасия:** Не послужиша твáри богомудрии пáче Создавшаго, но огненное прещение мýжески поправше, рáдовахуся поюще: препетый отцéв, Госпо́дь и Бог, благословён есій.

### Песнь 8

**Благословите** вся делá Господня, Гóспода, пойте и превозносите Его во веќи.

**Благословите** Ангели Господни, небеса́ Господня, Гóспода, пойте и превозносите Его во веќи.

**Благословите** вóды вся, яже превыше небес, вся силы Господни, Гóспода, пойте и превозносите Его во веќи.

**Благословите** солнце и месяц, звёзды небесныя, Гóспода, пойте и превозносите Его во веќи.

**Благословите** всяк дождь и роса, вси души, Гóспода, пойте и превозносите Его во веќи.

**Зде поется ирмос канона храма.**

**Благословите** огнь и вар, студь и зной, Гóспода, пойте и превозносите Его во веќи.

**И поется тойже ирмос канона храма.**

**Стих:** Благословите слáны и снёзи, и ющи и дние, Гóспода, пойте и превозносите Его во веќи.

**И чтется тропарь канона храма.**

**Стих:** Благословите свет и тьма, молния и облацы, Господа, пойте и превозносите Его во веќи.

**И тропарь канона храма.**

**Стих:** Благословите земля, горы и холмы, и вся прозябающая на ней, Господа, пойте и превозносите Его во веќи.

**И тропарь канона храма.**

**Стих:** Благословите источники, моря и реки, кити и вся движущаяся в водах, Господа, пойте и превозносите Его во веќи.

**И тропарь канона храма.**

**Стих:** Благословите вся птицы небесные, звери и все скоти, Господа, пойте и превозносите Его во веќи.

**Зде чтется канон святого Феодора:**

Радости рождеством исполнившая небесная и земная, временным сетованием благодати благовременную подает венечнику, сплещущи светло празднственная.

Субботствуим, человечы, днес, от трудов вчерашних почивше, за благословившаго настоящий день упокоением, и ныне торжеством мученика. (За един.)

**Стих:** Благословите сынове человечествии, да благословит Израиль, Господа, пойте и превозносите Его во веќи.

Войстину сия первая в субботах, и субботы глаголалася суббота: мученический же благодати и силы Божественные исполнена, спасения великаго воспоминание.

**Стих:** Благословите священницы Господни, раби Господни, Господа, пойте и превозносите Его во веќи.

Царя Бога чистыми брашны, царствия беззаконного сквернения чистый упраздни, и преславным образом чудодейства святую семицу освятай.

**Стих:** Благословите дуси и души праведных, преподобии и смиреннии сердцем, Господа, пойте и превозносите Его во веќи.

**Богородичен:** Извещает Твоё, Отроковице, таинство мучеников усердная смерть, яко бо Богу веровавше

рождшемуся, аще и страсть волею претерпé, самéх себé  
дублии пожрúша.

**Стих:** Благословíте Анáния, Азáрия, Мисайл, Гóспода,  
пóйте и превозносíте Его во вéки.

**Иный канон святаго Феодора:**

Из плáмене яко избáвился еси, мúчениче Феóдоре, Бо-  
жéственнou сýлою: сýце и нýне нас спасл еси сам, пред-  
стáтельством божéственным твойм, беззаконного совéта  
злокúзниеннаго.

**Стих:** Благословíте апóстоли, прорóцы и мúченицы  
Господни, Гóспода, пóйте и превозносíте Его во вéки.

Вéчер водворíся плач рабóм Твойм, от лукáваго ловí-  
тельства субостáта нашего: но во úтрие ráдость возсий,  
мúчениче терпеливонбоче, тéплою твоéю помошью.

**Благословíм Отцá и Сына и Святáго Дúха, Гóспода.**

Избáвителя тя обрétше в беды мы впáдше, и избáвите-  
ля кóзни вráжия, мúчениче Христóв страстотéрпче Феó-  
доре, гг славослóвим во вся вéки.

**И нýне и прýсно и во вéки векóв. Амíнь.**

**Богородичен:** Недоумевáет ум человéческий Твоегó  
рождествá. Чистая, таинство изреши: и сего ради Тя вé-  
рою благочéстно, яко Богорóдицу почитáем, и славослó-  
вим во вся вéки.

**Хвáлим,** благословíм, покланя́емся Гóсподеви, пою́ще  
и превознося́ще во вся вéки.

**Также катавасия:** Отроки благочестíвья в пещí, рож-  
дествó Богорóдице спаслó есть, тогдá úбо образу́емое,  
нýне же дéйствуемое, вселéнную всю воздвизáет пéти  
Тебé: Гóспода пóйте делá, и превозносíте Еgo во вся вéки.

**Священник:** Бог орóдицу и Мáтерь Свéта в пéснях воз-  
геличим.

**Лик:** Величит душá Моя Гóспода, и возráдовася дух  
Мой с Еóзе, Спáсе Моéм.

**Честнѣйшую Херувим и славнейшую без сравненія Серафимъ, без истлѣнія Божіа Слова рождшую, сущую Богородицу Тя величаемъ.**

**Яко призре на смиреніе рабы Своей, се бо от ныне ублажатъ мя вси роди.**

**Честнѣйшую Херувим и славнейшую без сравненія Серафимъ, без истлѣнія Божіа Слова рождшую, сущую Богородицу Тя величаемъ.**

**Яко сотвори Мнѣ величие Сильный, и свято имѧ Его, и милость Его в роды родовъ боящимся Его.**

**Честнѣйшую Херувим и славнейшую без сравненія Серафимъ, без истлѣнія Божіа Слова рождшую, сущую Богородицу Тя величаемъ.**

**Сотвори державу мышцею Свою, расточи гордыя мыслию сердца ихъ.**

**Честнѣйшую Херувим и славнейшую без сравненія Серафимъ, без истлѣнія Божіа Слова рождшую, сущую Богородицу Тя величаемъ.**

**Низложи сильныя со престоломъ и вознеси смиренныя, алчушия исполны благ и богатия отпусти тщи.**

**Честнѣйшую Херувим и славнейшую без сравненія Серафимъ, без истлѣнія Божіа Слова рождшую, сущую Богородицу Тя величаемъ.**

**Восприят Израиля отрока Своего, помянуть милости, яко же глагола ко отцемъ нашимъ, Аврааму и семени его даже до вѣка.**

**Честнѣйшую Херувим и славнейшую без сравненія Серафимъ, без истлѣнія Божіа Слова рождшую, сущую Богородицу Тя величаемъ.**

### Песнь 9

**Лик поет ирмос канона храма. (Дважды.)**

**Стих: Благословен Господь Бог Израилев, яко посети и сотвори избавление людем Свойм.**

**И чтется тропарь канона храма.**

**Стих: И воздвиже рог спасения нам, в дому Давидове отрока Своего.**

**И тропарь канона храма.**

**Стих:** Яко же глагола усты святых, сущих от ве́ка пророк Егó, спасение от враг на́ших и из рукí всех ненави́дящих нас.

**И тропарь канона храма.**

**Стих:** Сотвори́ти ми́лость со отцí на́шими и помяну́ти завéт святы́й Свой.

**И тропарь канона храма.**

**Стих:** Кля́тву, ёюже кля́тся ко Авраáму отцú на́шему, да́ти нам без страха, из рукí враг на́ших изба́вльшимся.

**Зде чтется канон святаго Феодора.**

Стека́ется множество отвсюду, в сень сведе́ния, и живу́щую благодáть, предпросийшаго в слáве всех мучени́ков, со Владычицею всех величáем.

**Стих:** Служи́ти Ему́ преподобием и прáвдою пред Ним вся дни животá нашего.

**Мужайся,** Христóва Цéрковь, и держáствуй всуе бо́рющими: Христóвы бо дру́зи и предстóящии о тебе́ пекутся, и отстоя́ши яко же доблни, емúже соверша́еш благо́дáстvenнаа.

**Стих:** И ты, отрочá, прорóк Вы́шняго нарече́шися, преды́деши бó пред лицéм Господним уго́тóвати путí Егó.

**Возмнёвши́ся дрёвле умре́ти, вёщи показу́ют жи́ти и по кончи́не, и вéры па́ки предстáтельствовати с равною рéвностию, ёюже богатýщеся Благодéтеля величáем.**

**Стих:** Да́ти разум спасе́ния людем Егó, во оставле́ние грех их, милосéрдия ра́ди ми́лости Бóга нашего.

**Богородичен:** Яко Божественную Тя печáть, пéсньми запечатанную Бóжию кни́гу налагаю нося́, и собираю похвалы в Тебé, Дéво, си́це прославляя наипáче Твоегó мученика.

**Стих:** В нихже посети́ нас Востóк с высоты, яви́тися во тьме и сéни смéртней седящим.

**Иный канон святаго Феодора:**

**Добре** яви́лся еси побóрник, преславне, и держáвное заступле́ние нам чтúщим твою честнúю и вéчину память

**ныне, и твоих страдальчеств исправления, и бывшее в нас Божественное заступление.**

**Стих: Направити ноги наша на путь мирен.**

**Твоё всеблажённе чудо, Феодоре, совершённое святыми тучами, поётся на весь мир, блажённе: тёмже и лётно собирающиеся, славу возсылаем Христу, тебе прославляемому.**

**Слава Отцу и Сыну и Святому Духу.**

**Зря любовь восхваляющих тя, мучениче Христов, благодать воздарствуй вящшую, и веру ведый елика есть, преславне, не престай, молитвенниче теплнейший мучениче, и ходатай к Богу нашему являемся.**

**И ныне и присно и во веки веков. Аминь.**

**Богородичен: Пёти, Дево, Тя не престаём помощницу, покров, скорбое заступление, и предстательницу нашу нестыдную: соблюди Твой рабы всякаго озлобления, всякия козни лукаваго свободжающи присно.**

**Также катавасия: Всяк земнородный да взыграется духом просвещаемъ, да торжествует же безплотных умовъ естество, почитающее священное торжество Богоматере, и да вопиетъ: радуйся, Всеблаженная Богородице, Чистая Приснодево.**

**Посем ектения малая:**

**Паки и паки миром Господу помолимся.**

**Лик: Господи, помилуй.**

**Заступи, спаси, помилуй и сохрани нас, Боже, Твою благодастию.**

**Лик: Господи, помилуй.**

**Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себѣ и друг друга, и весь живот наш Христу Богу предадимъ.**

**Лик: Тебѣ, Господи.**

**Священник: Яко Тя хвалят вся силы небесные и Тебѣ славу возсылаемъ, Отцу и Сыну и Святому Духу, ныне и присно и во веки вековъ.**

**Лик: Ами́нь.**

**Ексапостиларий:**

**Подобен: Со ученикй:**

**Венченосче святе, предстояй со Ангелы Христову ныне престолу, и свёта оттуду исполняйся страстносче, мир мирови непрестанно исходатайствуй, и нам спасение, благочестно светоносную память твою совершающим, Феодоре всебогате, мучениче преукрашёне.**

**Слáва Отцú и Сыну и Святому Духу.**

**Венченосче святе, предстояй со Ангелы Христову ныне престолу, и свёта оттуду исполняйся страстносче, мир мирови непрестанно исходатайствуй, и нам спасение, благочестно светоносную память твою совершающим, Феодоре всебогате, мучениче преукрашёне.**

**И ныне и присно и во вёки веков. Ами́нь.**

**Во чреве Твоём Господь, погибающий мир от тления призвати восходитёв, якоже ведяше, вселися, Богородице. Спасение убо вси обреташе, возопиим Тебé ангелово, еже радуйся, Всепетая, во всех женах благословленная: ибо радость породила еси всей вселенней.**

**Посем чтец глаголет обычныя псалмы 148, 149, 150.**

**Хвалите Господа с небес. Тебé подобает песнь Богу. Хвалите Господа с небес, хвалите Его в вышних. Тебé подобает песнь Богу. Хвалите Его, вси Ангели Его, хвалите Его, вся силы Его. Тебé подобает песнь Богу. Хвалите Его, солнце и луна, хвалите Его, вся звёзды и свет. Хвалите Его, небеса небес и воды, яже превыше небес. Да восхвалят имена Господне: яко Той рече, и быша, Той повелé, и создавшаяся. Постави я в век и в век вёка, повеление положи, и не мимо идет. Хвалите Господа от земли, змиеve и вся беездны: огнь, град, снег, гольть, дух бурен, творящая слово Его, горы и вси холми, древа плодоносна и вси кедри, звери и вси скоти, гади и птицы пернаты. Царие земстии и вси людие, князи и вси судии земстии, юноши и девы, старцы с юнотами да восхвалят имена Господне, яко вознесёся имя Того Единаго, исповедание Его на земли**

и на небеси. И вознесёт рог людёй Своих, песнь всем преподобным Его, сыновом Израилевым, людем, приближающимся Ему.

**Воспойте Господеви песнь нову, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесёт кроткия во спасение. Восхвалятся преподобные во славе и возрадуются на ложах своих. Возношения Божия в гортани их, и мечи ободрую остры в руках их: сотворить отмщение во языщех, обличения в людех, связати цары их путы, и славные их ручными оковы железными.**

**На 6: Сотворить в них суд написан. Слава сий будет всем преподобным Его.**

**Хвалите Бога во святых Его, хвалите Его во утверждении силы Его.**

**Хвалите Его на силах Его, хвалите Его по множеству величествия Его.**

**И поем святаго стихирь 4, глас 1:**

**Подобен: Небесных чинов:**

**Мужа изрядна вышняго воинствословия, верни, яко терпеливаго оружника нашего благочестия, согласно сошедшеся, песнями таинственными восхвалим, глаголюще: досточудне мучениче Иисусов, молися о чтущих тя.**

**Хвалите Его во гласе трубнем, хвалите Его во псалтири и гуслях.**

**Тезоименитым твойм званием, даре Божий войстинну, скорбящим всем утешение подался еси, Феодоре треблаженне: всякий бо к твоему приближаяся храму войстинну, с веселием приёмля воздаяния чудес твоих, почитает Христом.**

**Хвалите Его в тимпане и лице, хвалите Его во струнах и органе.**

**Благочестия богатство, и светлость, страдальческими подвиги, себя сокровиществовав, всю крепость твою дар**

приятный Бóгу принéсл еси, исполняя в подвizeх со тщанием богодарованное твоé призываíе.

**Хвалите Еgo в кимвáлех добrogлáсных, хвалите Еgo в кимвáлех восклицаíния. Всякое дыхáние да хвáлит Гóспода.**

**Всесвéтlyм торжеством божéственного мúченика, напитáimся вси, и вéрно возвеселимся, празднолюбцы, почитающе свéтлое празднество его скончáния, пéсненно воспевáюще Иисýса, прославившаго память его.**

**Слáва Отцú и Сыну и Святому Дúху.**

**Глас 6: Свящéния дар, и богáство божéственныхя жíзни, показáлся еси миру, Феóдоре: Христóс бо мýдре твоой память прослави, в ниóже соглáсно вéрнии ráдующеся поэм подвиги болéзней твойх.**

**И нýне и прýсно и во вéки векóв. Ами́нь.**

**Глас тойже: Богорóдице, Ты еси лозá истинная, возрас-táвшая нам плод животá: Тебé мóлимся, молíся, Влады-чице, со страстотéрпцем, и всéми святыми помíловатися душáм нашим.**

**Слáва Тебé, показáвшему нам свет.**

**Слáва в вышних Бóгу, и на землí мир, в человéзех благоволéние. Хвáлим Тя, благословим Тя, клáняем Ти ся, славослóвим Тя, благодарим Тя, великия ради слáвы Твоей. Гóсподи Царю Небéсный Бóже Отче Вседержите-лю, Гóсподи Сыне Единорóдный Иисýсе Христé и Святый Дúше. Гóсподи Бóже, Áгиче Бóжий, Сыне Отéчь, взéмляй грех мира, помíлуй нас: взéмляй грехи мириа, приими молýтву нашу. Седáй одеснúю Отцá, помíлуй нас. Яко Ты еси еди́н Свят, Ты еси еди́н Господь, Иисýс Христóс, в слáву бóга Отцá. Ами́нь.**

**На ысяк день благословлю Тя, и восхвалю имя Твоé во вéки и в век вéка.**

**Гóсподи, прибéжище был еси нам в род и род. Аз рех: Гóсподи, помíлуй мя, исцели душу мою, яко согреших Тебé. Гóсподи, к Тебé прибегóх, научи мя творíти вóлю Твою, яко Ты еси Бог мой: яко у Тебé истóчник животá,**

во свёте Твоём ўзрим свет. Пробáви мілость Твою вéдущим Тя.

**Сподоби,** Гóсподи, в день сей без греха сохранитися нам. Благословен еси Гóсподи Бóже отéц наших, и хвáльно и прославлено и́мя Твоé во вéки. Амíнь.

**Бýди,** Гóсподи, мілость Твой на нас, якоже уповáхом на Тя. Благословен еси, Гóсподи, научи мя оправдáнием Твоим. Благословен еси, Владыко, вразуми мя оправдáнием Твойм. Благословен еси, Святый, просвети мя оправдáнием Твойми.

**Гóсподи,** мілость Твой во век, дел руку Твою не прéзри. Тебé подобаёт хвалá, Тебé подобаёт пение, Тебé слáва подобаёт, Отцу и Сыну и Святому Дúху, ныне и прýсно и во вéки веков. Амíнь.

**Также ектения:**

**Исполним** утреннюю молитву нашу Гóсподеви.

**Лик:** Гóсподи, помíлуй.

**Заступи,** спаси, помíлуй и сохрани нас, Бóже, Твою благодáтию.

**Лик:** Гóсподи, помíлуй.

**Дне** всегó совершённа, свята, мíрна и безгрéшина, у Гóспода прósим.

**Лик:** Подáй, Гóсподи.

**Áнгела** мíрна, вéрна настáвника, хранителя душ и телес наших, у Гóспода прósим.

**Лик:** Подáй, Гóсподи.

**Прощения** и оставлéния грехов и прегрешений наших, у Гóспода прósим.

**Лик:** Подáй, Гóсподи.

**Дóбрых** и полéзных душам нашим и ми́ра ми́рови, у Гóспода прósим.

**Лик:** Подáй, Гóсподи.

**Прóчее** врёмя живота нашего в ми́ре и покаянии скончáти, у Гóспода прósим.

**Лик:** Подáй, Гóсподи.

**Христианский кончины живота нашего безболезненны, честотыдны, мирны и доброго отвёта на Страшном Судищи Христобе просим.**

**Лик:** Подай, Господи.

**Пресвятую, Пречистую, Преблагословенную, Славную Еланьину** нашу Богородицу и Приснодеву Марию, со всеми святыми помянувше, сами себе, и друг друга, и весь живот наш Христу Богу предадим.

**Лик:** Тебе, Господи.

**Священик:** Яко Бог милости и щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

**Священик:** Мир всем.

**Лик:** И духови твоему.

**Священик:** Главы наша Господеви приклоним.

**Лик:** Тебе, Господи.

**Священик:** Твоё бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

#### На стиховне стихиры, глас 4:

Ликуют соборы мучеников радостно, ныне в храме твоём, страстотерпче Феодоре, и ангельстии чинове, страдальчества плещут терпения твоего, и Сам венцедавец Христос предстоит, богатотворная дарования твоим певцем десницею подая, Егоже возжелев взыскал еси, и обрет беседовал еси, Егоже желал еси: Егоже моли спасти и просветить души наша.

**Стих:** Праведник яко феникс процветёт, яко кедр иже в Ливане умножится.

Чистый и непорочный пост пришёдший ныне к нам мученических чудес совершение совведен. Постом будущевныя скверны очистим, и мученическими знаменами, и страдальчествы, доблестенно на страсти вмужимся, отонудже и священного воздержания благодатию

просвещающеся, и чудодействы Феодора мученика, ко Христу утверждаемся вёрою, просяще Его спасение подати душам нашим.

**Стих:** Насаждени в дому Господни, во дворех Бога нашего процветут.

Мученическим твоим дерзновением к Богу, Феодоре, отступническую на веру Христову кознь суетну сотворил еси, поборник благочествующим был еси людем, представием ужасным, скверных брашен жертвы идолъскими их избавль. Тёмже тя яко идолов потребителя и яко стада Христова спасителя, и хранителя, и представителя нашего благопослушливаго, чтуще в песнях молим, очищению и просвещению тобою дароватися душам нашим.

**Слава Отцу и Сыну и Святому Духу.**

**Глас 8:** Страдальческим мужеством благочестно вооружився, страстотерпче Христов, и словесное служение тайно поборая силою Его, идолов нечестие, и мучителей прещение немощно показал еси, презирая мучения и временный огнь. Но, о Божественных Даров и вещь, и имя! от всякаго обстояния молитвою твою спасай совершающая память твою.

**И ныне и присно и во веки веков. Аминь.**

**Богородичен:** Владычице, приеми молитвы раб Твоих, и избави нас от всякия нужды и печали.

**Чтез:** Благо есть исповедатися Господеви и пети имени Твоему, Вышний, возвещати заутра милость Твою и истину Твою на всякую ношь.

**Святый Боже, Святый Крепкий, Святый Безсмертный, помилуй нас. (Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

**Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.**

**Господи, помилуй. (Трижды.)**

**Слáва Отцú и Сыíну и Святóму Дúху, и ныне и прýсно и во вéки векóв. Амíнь.**

**Отче наш, Ѝже есý на небесéх! Да святítся юмá Твоé, да прийдет Цárствie Твоé, да бўдёт вóля Твойя, яко на небе-  
сí и на землí. Хлеб наш насúщный дажь нам днесъ; и ос-  
тави нам долги наша, якоже и мы оставляем должником  
нашим; и не введи нас во искушениe, но избáви нас от лу-  
каваго.**

**Священник:** Яко Твоé есть Цárство и сíла и слáва, От-  
цá и Сына и Святáго Дúха, ныне и прýсно и во вéки векóв.

**Чтец:** Амíнь.

### Тропарь, глас 2:

**Вéлия вéры исправлéния, во истóчнице плáмене, яко на водé упокоéния, святýй мýченик Феóдор рáдовашеся: огнём бо всесожжéлся, яко хлеб слáдкий Тróице принесé-  
ся. Того молítвами, Христé Бóже, спасí дúши наша.**

**Слáва Отцú и Сыíну и Святóму Дúху, и ныне и прýсно и во вéки векóв. Амíнь.**

**Мáти святáя неизречённого Свéта, áнгельскими Тя пéсными почитáюще благочéсто величáем.**

### Таже ектения:

**Помíлуй нас, Бóже, по велицей мýлости Твоéй, мóлим  
Ти ся, услы́ши и помíлуй.**

**Лик:** Гóсподи, помíлуй. (Трижды.)

**Ещé мóлимся о Великом Господíне и отцé нашем,  
Святéйшем Патриáрхе Алексиí и о Господíне нашем  
Преосвящеñнейшем епíскопе (или: архиепíскопе, или:  
митрополите, имя, егоже есть область), и о всей во Христé  
брáтии нашей.**

**Лик:** Гóсподи, помíлуй. (Трижды.)

**Ещé мóлимся о Богохранимей странé нашей, властéх и  
войинстве ей, да тихое и безмолвное житиé поживéм во  
всýком благочéстии и чистотé.**

**Лик:** Гóсподи, помíлуй. (Трижды.)

**Ещé мóлимся о блажéнных и приснопáмятных создáте-  
лях святáго хráма сего (аще во обители: святýя обýтели**

сéй), и о всех преждепочи́вших отцéх и братиях, где лежáющих и повсюду, православных.

**Лик: Гóсподи, помíлуй. (Трижды.)**

Ещé мóлимся о милости, жíзни, мíре, здрáвии, спасéнии, посещéнии, прощéнii и оставлéнии грехóв рабóв Бóжиих, братии святáго хráма сего (**аще во обители: святýя обýтели сéй**).

**Лик: Гóсподи, помíлуй. (Трижды.)**

Ещé мóлимся о плодоносящих и добродéюющих во свя-тém и всечестnéм хráме сем, труждáющихся, поющих и предстоящих людех, ожидающих от Тебé великия и богá-тыя милости.

**Лик: Гóсподи, помíлуй. (Трижды.)**

**Священник:** Яко милостив и Человеколюбец Бог еси, и Тебé слáву возсылаем, Отцú и Сыну и Святóму Дúху, ныне и прýсно и во вéки векóв.

**Лик: Амíнь.**

**Священник:** Премудрость.

**Лик:** Благослови.

**Священник:** Сый благословéн Христóс Бог наш всегdá, ныне и прýсно и во вéки векóв.

**Лик: Амíнь.**

Утверди, Бóже, святóю православную вéру, православ-ных христиáн, во век вéка.

### ЧАС ПЕРВЫЙ

**Чтец:** Приидите, поклонíмся Царéви нашему Бóгу.

Приидите, поклонíмся и припадéм Христú, Царéви нашему Бóгу.

Приидите, поклонíмся и припадéм Самому Христú, Царéви и Бóгу нашему.

**И псалмы 5, 89, 100.**

Глагóлы мои внуши, Гóсподи, разумéй звáние мое. Вон-мý гла́су молéния моего, Царю мой и Бóже мой, яко к Тебе помолюся, Гóсподи. Заутра услыши глас мой, заутра пред-стáну Ти, и узриши мя. Яко Бог не хотяй беззакония, Ты

еси: не приселится к Тебе лукавнуй, нижे пребудут беззаконницы пред очи́ма Твойма: возненави́дел еси вся дёлающая беззаконие. Погуби́ши вся глаго́лющия лжу: м́ужа крове́й и льсти́ва гнуша́ется Госпо́дь. Аз же множе-ством милости Твоей, вниду в дом Твой, поклоню́ся ко хра́му святому Твоему, в стрáсе Твоем. Господи, настáви мя прáвдою Твоёю, враг моих рáди испра́ви перед Тобою путь мой. Яко несть во устéх их истины, сéрдце их сúетно, гроб отвéрст горта́нь их: язы́ки своíми лъща́ху. Суди им, Бóже, да отпадут от мыслей своих, по множеству нечестия их изри́ни я, яко преогорчиша Тя, Господи. И да возвесе-лятся вси упова́ющие на Тя, во век возра́дуются, и всelíшися в них, и похва́лятсѧ о Тебе любящии и́мя Твое. Яко Ты благослови́ши прáведника, Господи: яко ору́жием бла-говоле́ния венчал еси нас.

Господи, прибéжище был еси нам в род и род. Прéжде дáже горам не быти и создати земли и вселенней, и от вéка и до вéка Ты еси. Не отврати человека во смирение, и рекл еси: обрати́тесь, сынове человéчествии. Яко тыся-ща лет перед очи́ма Твойма, Господи, яко день вчерáш-ний, иже мимоиде, и стрáжа нощная. Уничижения их лéта бúдут. Утро яко травá мимоидет, утро процветéт и прéйдет: на вéчер отпадёт, ожестеет и исхнет. Яко исче-зóхом гнéвом Твоим, и яростю Твоёю смущихомся. Положил еси беззакония наша перед Тобою: век наш в просвещение лицá Твоего. Яко вси дние наши оскудеша, и гнéвом Твоим исчезóхом, лéта наша яко паучина по-учáхуся. Дние лет наших, в нихже сéдмьдесят лет, аще же в сýлах, осмьдесят лет, и множае их труд и болéзнь: яко прийде крóтость на ны, и накáжемся. Кто весть держáву гнéва Твоегó, и от стрáха Твоего ярость Твою исчестí? Десни́цу Твою тáко скажи́ ми, и окованыя сéрдцем в мýдрости. Обрати́ся, Господи, докóле? И умоле́н бúди на рабы́ Твоя. Испóлнихомся заутра милости Твоей, Госпо-ди, и возра́довахомся, и возвеселихомся. Во вся дни наша возвеселихомся, за дни, в нáже смирил ны еси, лéта, в

няже ви́дехом зláя. И при́зри на рабы́ Твоя, и на делá Твоя, и настáви сýны их. И бúди свéтлость Гóспода Бóга на́шего на на́с, и делá рук на́ших испráви на нас, и дéло рук на́ших испráви.

**Мíлость** и суд воспою Тебе, Гóсподи. Пою и разумéю в путí непорóчне, когдá прийдеши ко мне? Преходжáх в не-злóбии сéрдца моего посредé дóму моего. Не предлагáх пред очíма мойма ве́шь законопрестúпную: творя́щия преступлéние возненави́дех. Не прильпé мне сéрдце стропти́во, уклоня́ющагося от мене лукáваго не позна́х. Оклеветáющаго тай искренняго своегó, сего изгоня́х: гóрдым óком, и несытýм сéрдцем, с сим не ядя́х. Очи мои на вéрныя земли, посаждáти я со мною: ходя́й по путí непорóчну, сей ми служáше. Не живáше посредé дóму моего творя́й горды́ню, глаголяй непráведная, не исправля́ше пред очíма мойма. Во úтрия избивáх вся грéшные земли, ёже потреби́ти от гра́да Господня вся дéлаю-щия беззакóние.

**Сláва Отцú и Сы́ну и Святóму Дúху, и ны́не и прýсно и во вéки векóв. Ами́нь.**

**Аллилúиа, аллилúиа, аллилúиа, слáва Тебé, Бóже.**  
**(Трижды.)**

**Гóсподи, помíлуй. (Трижды.)**

**Сláва Отцú и Сы́ну и Святóму Дúху.**

**Тропарь, глас 2:**

Вéлия вéры исправлéния, во истóчице плáмене, яко на водé упокоéния, святýй мýченик Феóдор рáдовашеся: огнéм бо всесожжéгся, яко хлеб слáдкий Тróице принесéся. Того молýтвами, Христé Бóже, спасí дúши на́ша.

**И ны́не и прýсно и во вéки векóв. Ами́нь.**

**Что тя наречéм, о Благодáтная? Нéбо, яко возсияла еси Сóлнце Прáвды. Рай, яко прозяблá еси Цвет Нетléния. Дéву, яко пребылá нетléнна. Чистую Máтерь, яко имéла еси на святых Твойх объятиях Сы́на, всех Бóга. Того молý спасíтся душáм на́шим.**

**Стопы́ моя напра́ви по словеси́ Твоему́: и да не облада́ет мно́ю вся́кое беззако́ние. Изба́ви мя от клеветы́ человé-ческия, и сохрани́ заповеди́ Твоя. Лицé Твоé просвети́ на рабá Твоего́ и научи́ мя оправда́нием Твойм.**

**Да исполня́тся устá моя хвалéния Твоего́, Гóсподи, я́ко да воспою́ слáву Твою́, весь день великолéпие Твоé.**

**Святый Бóже, Святый Крéпкий, Святый Безсмéртный, помíлуй нас. (Трижды.)**

**Сláва Отцу́ и Сы́ну и Святому́ Дúху, и ныне и прýсно и во вéки векóв. Ами́нь.**

**Пресвятáя Троице, помíлуй нас; Гóсподи, очи́сти грехи́ на́ша; Влады́ко, прости́ беззако́ния на́ша; Святый, посети́ и исцели́ нéмоши на́ша, имене Твоего́ ráди.**

**Гóсподи, помíлуй. (Трижды.)**

**Сláва Отцу́ и Сы́ну и Святому́ Дúху, и ныне и прýсно и во вéки векóв. Ами́нь.**

**Отче наш, Иже еси́ на небесéх! Да святíтся имя Твоé, да прийдёт Цárствиe Твоé, да бúдет вóля Твой, я́ко на небеси́ и на земли. Хлеб наш насыщный даждь нам днесь; и остави́ нам долги на́ша, я́коже и мы оставля́ем должником на́шим; и не введи́ нас во искушениe, но изба́ви нас от лукáваго.**

**Священник: Я́ко Твоé есть Цárство и сíла и слáва, От-ца и Сы́на и Святáго Дúха, ныне и прýсно и во вéки векóв.**

**Чтец: Ами́нь.**

### **Кондак, глас 8:**

**Вéру Христóву я́ко щит внутрь приём в сéрдце твоéм, противный сíлы попрál еси́, многострадальче, и венцём небéсным венчáлся еси́ вéчно, Феóдоре, я́ко непобеди-мый.**

**Гóсподи, помíлуй. (40 раз.)**

**Иже на вся́кое врéмя и на вся́кий час, на небеси́ и на земли́ покланя́емый и слáвимый, Христé Бóже, долготерпeliве, многомíлостиве, многоблагоутробне, Иже прáведныя любя́й и грéшныя мíлую́й, Иже вся зовый ко**

спасéнию, обещáния ráди бúдущих благ. Сам, Гóсподи, приими и наша в час сей молýтвы, и испráви живóт наш к заповедем Твойм: дúши наша освятí, телесá очисти, помышлéния испráви, мы́сли очисти и избáви нас от всякия скóрби, зол и болéзней. Оградí нас святýми Твойми Áнгелы, да ополчéнием их соблюдаеми и наставляеми, достíгнем в соединéние вéры, и в ráзум непристúпныя Твоей слáвы, яко благословéн еси во вéки векóв. Ами́нь.

**Гóсподи, помíлуй. (Трижды.)**

**Слáва Отцú и Сыíну и Святóму Дúху, и ныне и прýсно и во вéки векóв. Ами́нь.**

**Честнéйшую Херувíм и слáвнейшую без сравнéния Серафíм, без истлéния Бóга Слóва рóждшую, сúщую Богорóдицу Тя величáем.**

**Íменем Господним благословí, отче.**

**Священник: Бóже ущéдри ны и благословí ны, просвети лицé Твоé на ны и помíлуй ны.**

**Чтец: Ами́нь.**

**Священник: Христé, Свéте Йстинный, просвещáй и освящáй всякаго человéка, грядúщаго в мир, да знáменуется на нас свет лицá Твоегó, да в нем узрим Свет не-пристúпный и испráви стопы наша к дéланию заповедей Твойх, молýтвами Пречíстая Твоей Мáтере и всех Твойх святых. Ами́нь.**

**Лик: Взбрáнной Воевóде победительная, яко избáвль-щеся от злыx, благодárственная восписуем Ти, рабí Твой, Богорóдице; но яко имúщая держáву непобедíмую, от всяких нас бед свободí, да зовéм Ти: рáдуйся, Невéсто Невéстная.**

**Священник: Слáва Тебé, Христé Бóже, Уповáние наше, слáва Тебé.**

**Лик: Слáва Отцú и Сыíну и Святóму Дúху, и ныне и прýсно и во вéки векóв. Ами́нь.**

**Гóсподи, помíлуй. (Трижды.)**

**Благословí.**

**Священник глаголет отпуст:**

**Христос, Истинный Бог наш, молитвами Пречистыя Своей Матере; святых славных и всехвальных апостол; святых славных и добродобедных мучеников; преподобных и богоносных отец наших (и святых храма, и дне), святых праведных Богоотец Иоакима и Анны, и всех святых, помилует и спасёт нас, яко Благ и Человеколюбец.**

**Лик поет многолетие:**

**Великаго Господина и отца нашего Алексия, Святейшаго Патриарха Московскаго и всей Руси, и Господина нашего Пресвященнейшаго (имя), епископа (или: архиепископа, или: митрополита) (титул его), братию святаго храма сего и вся православные христианы, Господи, сохрани их на многая лёта.**

